



詩觀三集目錄卷之四

田雯

李良年

吳雯

李念慈

秦松齡

董俞

李猶龍

李振裕

胡會恩

汪文植

汪森

汪文栢

朱虹

丁德明

謝開寵

閔麟嗣

吳嶽

汪文雄

王廷璧

方淳

顧彩

王嗣槐

俞瑒

黃瀚

黃朝美

來集之

李敬

湯燕生

汪祉

陸鴻

汪允讓

錢光繡

廖騰奎

詩觀三集卷之四

東吳鄧漢儀孝威評選

雒城仲之琮蒼璧重輯

田

雯 綸霞漪亭山東德州人
山蘆書屋詩藁

巢燕詞

紅襟燕子來海隅不羨王謝戀枋榆
侏儻輒語胡為乎梁間
結構為巢居銜泥掠水連花鬚
雄雌匝月生四雛黃口紫頰
癡且愚獵取羸蟲遞相哺長齊毛羽
烏衣殊避戊巳棲草舍
飛鳴不懼遭彈射
枋榆之安故不羨乎
王謝也托諷漢矣

賽神詞

鳳尾槽細腰鼓大巫立小巫舞
父子拜跪前致詞菜甲坼畦

菓隆枝豐稔勝似上年時上年糶穀賤如土官糧火速刻瘡
 補知神不享豚蹄祝今日豬羊酒百壺汗邪既窶連籌車縱
 使穀賤常驩娛俄闕走夕陽野皂衣健卒騎官馬拽船捉夫
 檄牒下亦復有此敗典

淘井詞

汲少井水清汲多井水渾壞崖蠹柳出半根雨餘蛙行帶溼
 痕朝煮豆粥夕灌園我欲飲牛愁空管井師立脫犢鼻禪鐵
 錘竹岸手自捫須臾剡泥水崩犇坎坎伐鼓誦鷄豚老農汲
 長耻綆短披衣獨坐井欄晚斜陽在樹一鴻遠

牧牛詞

日將暮牛來歸扣角弄笛牛不飢稚子跨背叟候扉黃昏牛

臥蝙蝠飛雨溼牛欄生箬衣老特秃速小犢肥八口之家馮
 爾為官府催錢議賣犢與其賣犢寧拆屋
結語酸楚誰為達之當宁

同郭廣文登千佛山

出郭二里餘雨晴登嶂曉杖策只緩行不知入林杪窈窕松
 磴細披翦石棧杳振衣最高岑送目皆可了人家萬柳陰湖
 面一鏡小鵲華爭峭拔衆峰凌天表佛閣嵌虛巖蘚徑穿叢
 篠偶此謝囂風逶迤探幽渺谷口淨無雲偃仰看飛鳥
光景如畫

蕭瑟

孤亭縛山腹中有一指泉淪漪下奔崖遠注如長川斜日風
 蕭瑟返景何澄鮮松篁響迴溪泠泠拊清絃灤源既泆汜茲
 水乃巖顛老衲揖客入菘茗浮廚煙檐花襲巾幘幽禽鳴我

前一歌濯纓曲與君共流連

讀過覺泉聲在耳

翠微亭

詰曲歷石齒沿溪樹溟濛招提門何向
陂陀無人蹤峭崿立萬仞惆悵林路窮
豈知披榛莽紆迴流水通一僧出汲水
竹扉行相從長綆下深澗剗剗驚潭龍
淅淅石湫雨泠泠葛花風前循畧約去
木杪聞清鐘

前為紆曲後為澹遠不減身入桃花源

夏日雜詩

儒說鑿戶牖六籍罹狂秦炙背倚糟粕
嚙口吐輪囷奧竅闡洙泗高論追前民
班揚馬鄭徒文章詆疵醇藉問灰燼餘
何從識勞薪空作井蛙喜大海無涯津
鍵戶寡車轍屋角鳴畢逋晨夕窘炊玉
龜腸轉嗚嗚措頤裏

鬢髮蹉跎然來坐隅班班牙鬚雄文采似於菟
寤寐情莫愜垢癢思爬梳面骨瘦崢嶸覽鏡空嗟吁
京朝富貴人肥白如瓠

壺 筆上鉅公聞人讀書輒攢眉日何為作此苦事

由石鱗抵黃溢

綿濛亘數里嶠流紛在掌津逮亦紆連烟寺遙相向
參差橘柚垂淡淡溪山上沙塢背人飛竹雞穿林響
寄栖可憑衿遐思不周賞

雙蓮寺高閣晚眺

千疊皖山嵐四圍皖江水白塔與紅亭隱見烟樹裏
大龍如笠圓小姑一拳耳稻雨石碣傷蘋花縱川尾
渺渺二喬宅但聞漁唱起

層嵐 雙翠

妙喜寺冬夜醉歌

夜鳴啄瓦沙激牕北風撼屋聲
縱縱睜眸午夜澀不睡百憂
萬事排軀腔瑟縮古佛守空案
琉璃寒火燒明缸乃知彌勒
同龕宿銅鈴繡段搖幡幢
如何此佛不凍死解看牀下擗老
麗苦齧被絮走飢鼠睚眦口
眼銜髭雙折脚之錯恣播弄大
如狐狸相舂撞城頭鼓柝響不絕
奔崩戰馬交矛鏃誤談孔
姬腐儒腐不擁蛾眉傾酒缸
偏學枯禪柳生肘但干靜者心
為降滿前嚴馬都可畏我無巨筆
同豐杠那免群輩笑淺陋
邾曹鄒何成邦皺面朱鉛自塗抹
官府催促人來扛焉得
土室臥風雪西郭流水聞淙淙
寺僧聽之三嘆息前軒啾喙
語亂喙起搜栗林生獸火鐵盆
槽柚餘梅椿鵝兒殼破輒一

醉我心塊然如鴻江

結用黃山谷語

明是目無儔輩故作此調笑伎倆至交筆元昇則得韓蘇

淡之

釀酒歌

○是○酒○人○語○腐儒麤糲無不可杯中物偏精詳百錢一斗來都市籍喉

穿腹難禁當青州平原兩不惡吾土信美無低昂羅家妙醞

錯著水流酥不數鴉子黃遠如鮒魚索枯肆○此○段○摹○擬○精○絕○監河何能副所

望鴟尾滑稽挂壞壁藍尾雕搜鳴渴腸麴車忽餉十裂餅赤

脚老僕潛攜將釀黍兩斛貯雙甕活活如乳生清香○快○事○一瀉瓶

盆夜方午寒聲滴瀝聞壓囊聒眠走看糟牀注檐烏不叫啄

瓦霜急洗破觥就燈火縮如東龜僮手僵坐讀漢書飲無算

酣歌登鼓撾漁陽屋角老梅花將發垂垂銜榦三尺長古人

愛酒矜名飲枕麴荷鍾何徭狂鷄鳴嗒天欲曙陶然真入
無功鄉從釀酒寫出嗜酒之神曲曲傳
照我亦路逢麴車口流涎矣

正月

正月無日無風霾沙黃霧黑連書齋閉戶搖鄰蒙被卧耳根
寒熱如疴疼穿腸半飽太倉米流涎難過新豐街長鬚倚檐
燒土銼老槐纏榦當空塔凌晨退食自城闕大官呵殿肩相
非笑看面上滿塵土朱鉛涂抹疑優俳眾鬼歔歔爭道路群
兒滑稽多詼諧腐儒迂拙不解事杞憂兀坐鮮好懷縱橫卷
帙堆几案彊取萬古為同儕稜祥取驗五行志或云乾封農
事乖如此春信非宐有連年馬槩紛楚淮安得好雨知時節
原隰草木濡根芟雜鷲乳燕二三月擗襠布韞兼青鞵藍尾

一鏡出城去香山澗曲桑乾涯

此老一肚皮不合時宜

題周生臨黃庭卷後

我昔曾摹官奴帖來禽墨本臨邑傳十指如椎筆如杵有鬼
苦踞秋毫顛扇面屏障浪涂抹家雞野鶩紛來前此○此○此○人嗜我書
忘其醜好色豈必傾城妍龍鐘字執同瘠竹手腕僵勁非昔
年閉門客謝管城子雞毛不費三銅錢冰簟藤牀伸脚臥老
研久作搯頭甄周生墨妙師逸少青雅搗就黃庭篇麥光大
紙連十幅吳蚕密楷風雷纏臨池斷技有如此摩挲三日思
飛騫我觀君書痛自改韞材攫取非無權石底老墓決不可
從今三疊還三湔前一段自寫情狀處每讀之輒發大笑

登采石磯太白樓觀蕭尺木畫壁歌

太白樓上江風寒，采石磯下波連山。長康不作僧繇死，何人攫弄秋毫端。力挽萬牛嘯兩虎，袒衣跋扈青冥間。四山拔地起，直從十指生。烟巒峩眉匡廬兩，對峙西華東。岱同躋

攀巨靈，夸娥日月走坤位。乾竇神鬼盤屋角，雷雨勢飛動牆根。澗壑聲潺湲，牛渚白紵如蟻蛭。天光破碎滄溟寬，藍陳蕭

惲稱大手前，追董巨凌荆關尺木老人更奇絕。身駕大海騎虬鸞，秋來放眼忘遠涉。憑陵萬里開心顏，寺徑濛濛松杉雨

蘆花漠漠龜鼉灘，顧盼無人相娛賞。高呼波底青蓮還，畫上描寫逃離瀕洞之狀筆力橫放遂可千里

泛湖

葦路層層入巖花，面面飛鶴翎。梳水葉蝶粉上蓮衣，小港船

如笠垂楊雨一圍，揚舲向前渚。欲覓舊漁磯，

如游印渚

丁給諫來公枉過草臺述懷

泥融粘屐齒，梅老妥瓠鬚。我乍辭燕趙，君來自越吳。蛾眉關新艷，騶裹取長途。可怪金門客，幽尋到酒徒。

則飲以醇酒

皖江道中雜詩

冒雨來山店，黃昏吏侯扉。買芻先秣馬，吹火更烘衣。野饌黎祈白，秋盤郭索肥。不辭行役遠，翻喜簿書稀。

屈指程難數，眠餐野寺隈。山行三百曲，溪轉一千迴。箒密狐狸語，燈昏蝙蝠來。前途有虎跡，僕馬莫頻催。

暮春同于桐江汪鐘如吳五崖遊張氏園晚過嘯上人

禪房

並城最苦名園少。覓路幽尋古寺隈。掃徑何曾嫌客過。入門忽漫見花開。亭邊小沼春前響。衣上新泥燕子來。茗椀茶枰消永晝。不妨隨意坐莓苔。

禹城道中有感

衝塵揭袂陌風斜。手攬雙牛笨板車。遠渡看人過馬頰。荒村傍屋放桃花。晏嬰城暮重沽酒。穀雨春愁又憶家。自顧此身如老鶴。高飛漠漠野雲遮。

采石磯

千載謫仙呼欲出。振衣牛渚一登樓。鑑湖乞與知章去。梁宋還同杜甫遊。蕭瑟秋聲來雁浦。冥濛細雨沒漁舟。橙黃橘綠

烏棲夜對酒難消。萬古愁。

舟次蕪關

○蒼○莽○處○似○少○陵○
噪磯插江。江水奔老噪。截霧立江門。斜陽石壁鳩。茲轉細雨。飄竿魯港昏。衙尾樓船沉鐵鎖。清宵漁火照楓邨。津亭半夜寒潮上。旅思勞薪不可論。

自皖歸

一枝柔艣皖城還。兩岸寒花滿目斑。紅葉已飄山四際。白雲忽起樹中間。一行鴻雁噪磯路。數片飄檣牛渚灣。來往江關二千里。幾回臨眺破愁顏。

貢獅應制

二十二韻

南軸狻猊貢。雕題瘴海來。金剛夸異質。烏弋豈凡胎。宛足騰

搖洞斑文映斗魁。噪易真挺拔。嶺表鬱崔嵬。尾掉風生箐山。
 鳴。晝起雷熊羆。須早避。兕象莫相猜。月照槃狐館。秋高戲馬。
 臺。豈甘同攫貉。未肯學駑駘。北望遵王會。南荒歷劫灰。樓艘。
 浮萬斛。颶浪簸千堆。使者鬚髯古。蠻衣毳罽裁。綺錢盤翡翠。
 椎。結骨毡毳頰。首螭坳下呼。嵩鶴禁隈表。須重譯。上宴許膳。
 夫。陪甲帳傳銀甕。仙莖賜露杯。樂浪借館舍。日浴共裴回。報。
 謁雞人唱。辭朝驛騎催。天連溟渤濶。客泛斗牛迴。紫舌車書。
 集。洪鑪雨露該。騶虞遊上苑。犧象鑊雲壘。喘問三春犢。祥徵。
 八尺駉。虞人勤護惜。珍此不群材。

形容壯麗而生氣凜然至其層次鋪敘皆有體
制奚滅王駉之鉅
篇沈宋之傑構
綸霞先生南遊諸詩久為江東傳誦壬戌春日駐維揚北
郭園亭酒次乃更以筒中祕稿見示先生詩學唐而不襲

乎唐學宋而不囿于宋古雅奇鬱正
變皆踞上流非議曠才高安能幾此
 李良年 武會浙江嘉興人
秋錦堂稿

九惱灘

欹枕星欲稀。荒樓止宵柝。鼓柁凌烟晨。濛濛水霧作。百泉走。
○摹○寫○
 一。隘跳珠滿山脚。石與水鬪爭勢。敵不少。卻北帆片片來相。
 避。成小泊客船上。灘遲昂首向寥廓。我舟類警鵠。歘忽空中。
 落。青山坐笑人佳處。不暇索晚渡。已心驚朝行有餘愕。始知。
 昨所歷諸險未云惡。
未身歷其險何能
寫得如此曲盡

平越城樓縱目因追往事

七盤坡上青烟濃。黎峨落日明于松。女墻欹仄異中土。蜿蜒折。
 一綫隨山蹤。行人散策郭門頂。秋聲瑟瑟愁吳儂。楚橋蜀笮。

衣襟接此地舊不輸蠻貊紹聖之際明堂開伶衣短後諸番

從紹聖中龍氏等入見貧陋禮視交趾乃特殺牂牁未得稱

附庸故事交趾得賜宴前殿獨并是時田楊獨雄踞奄席思

播為強宗明家宣慰號藩屏詎意肘腋生邊烽青蛇失險應

龍死水西突騎紛來攻本朝捍禦越前古乃有竊據稱王封

興安臺榭已池沼馮雙禮築山魃苦竹吹荒墟百餘年間用

兵處跋馬欲去生悲風近聞父老望休息賽神里社喧春冬

綰椎巒女解持鋪種花邑宰行勸農宜孃壘下靜秋柝玉華

雲氣開諸峰山川俯仰月東出明朝來謁張三丰城有三丰遺跡

題趙千里畫幸蜀圖

一首典故詩乃筆力矯悍非常遂覺紙上有蛟螭出沒

掩塵黃帕傷琵琶延秋門上烏啞啞侍臣趨朝漏未息豈知

輦道吹秦沙蛾眉絕影清渭水太子始控飛龍駒手揮紅甘

祀香魄尚有生荔來天涯三銀船本少年事臣侷進酒君王

嗟倚毫寫此圖者誰伯駒好手今猶誇山根潺湲碧無底閣

道姑屈梯穿霞法仗細瑣不暇整從官觸熱歛烏紗就中緩

轡意態殊三郎捉鞭非翠華金盆皇孫不可認疑是羽葆風

迴遮宮人軍裝或鴈次或稍前卻載以車明駝夾道臥石罅

奚奴避日攀槎枒長鞦短鞵挂一髮高者燈附低旋蝸此皆

左髀印風字尾側赭汗流三花不使蹴踏漁陽見首俛耳帖

何為耶峽耕無人峽田綠懸流淙淙水滿畚薄雲千里帶村

角忽轉素徑疎籬斜似聞子規響溪壑何有雪羽相籠笈白

頭父老出不意親見萬乘臨山家當年馳驛寫嘉陵化為飛
 燼隨黃麻蜀山嶽空說王宰詎有真蹟畱涪巴即今皴染漸
 剝落松煤不復濃於鴉昔人畫此意有託眼明且愛煙巒除
 黔南開府擅珍賞更束縹帶緘紅牙寫幸蜀情事奇詭錯綜令人目眩而中間
或夾議論或逞姿態有才法相御之妙

蜡梅村

一鏡開鳧柵清流對華門偶穿殘菊外別有蜡梅邨○警○
 沙壁樵歸出樹根眼中山水意清絕與誰論

思州

江接思州郭天低見岸平鳥啣松子下僧避水簾行玉洞紛
 秋色黃蘆有暮聲眼中山盡好惆悵不知名○是○殊○方○情○景○

見州瀑布

飛雪下見州沙喧急權畱望中三疊好沾處一巖秋閃爍斜
 易氣空明白石樓在山清可愛何事亦東流○去○橫○

沅陵再泊小雨聞鄰船歌江南水調

水郵遲到晚延緣指點雲沙似昔年幡影東西三寺塔柴門
 高下五溪煙寒蔬帶雨臨官渡野鳥忘機上客船此際愁聞
 廣陵曲鄉思直繞大江邊○清○思○俊○調○

古廟

百年遺廟俯江涯斜日楓根繫短槎了了紅衫歸現女濛濛
 青壁飼神鴉溪流清比三湘色野岸秋開二月花莫訝辦香
 隨楚俗布帆無恙好還家○如○吟○楚○些○
野廟向江春寂寂寫得濃至

天暉招集村居

故人書報酒新熟，攜手樵風入芋田。秋爽便來如有例，竹溪
初到自何年。圍棋笑賭青燈夜，小婢聽歌白紵篇。招隱未成
叢桂發，好花何限戰場邊。

集梅墅兼贈星紉

棕亭已壓小池偏，別補茅齋只數椽。山水之間更綠竹，桑麻
以外有人煙。借君廡下移書帙，約我花時棹酒船。送客留髡
定何意，打聽秋雨合高眠。
新情映發

清明後二日集二觀齋

山堂插柳土風存，流水斜陽客到門。已過清明來燕子，再生
圭臬見龍孫。
時嚴示恭出畫竹 江干冶林商游舸，花候春衫慣酒痕。

須留貴時吾老矣，相逢愁煞落紅村。

上元後一日澹思過

橫簫絡鼓正黃昏，避客思從靜者論。元夕春生燈有市，故人
船到月當門。重重往恨歸禪悅，一一蕭齋記墨痕。廿載不來
花、美、汝、酒、帘、閒、煞、舊、遊、村。
過江諸賢有此情緒

桃源

細雨散寒蕪，斜陽耿疎樹。十里不逢人，款乃凌江去。
竹裏見秋燈，沙邊繫秋牒。仙徑杳難尋，棋聲出紅葉。

漁人事筆墨高絕

杜宇

生涯汗漫且遲歸，高枕江亭滿翠微。杜宇似憐遊子在，三年

不向郭門飛此在黔陽所作故有情味

姑蘇柳枝詞

金昌亭畔綠初勻。畫檻橫斜。別是春。忽卷東風。遮不住。倚船人。見倚樓人。為喚奈何

武曾同余待詔金馬門與殊落落無干榮冒進之意迨出都門授余秋錦堂未刻稿二帙廣陵花夜出示田漪亭先生展玩極為賞愛稱其諸體皆妙余因錄數章與世共寶

吳雯天章山西平陽人

登廣勝寺

嘗懷天姥岑。數夢雲門寺。塵緣苦拘束。奇光黯胸次。霍太俱靈刹。取適聊一至。上見浮圖高。下見碧流駛。光芒射人積壑連春陰。終古一蒼翠。沐浴成寶光。下方驚舍利。石留水伯踪。蘇蝕文皇

字流觴近芳草。日暮客皆醉。好將山水緣。續入十洲誌。秀

白石精舍

初日寺門暄。微風塔鈴響。巖冰餘滴瀝。谷鳥悅溪廣。樵聲來遠壑。竹影交銀榜。寂寂下庭陰。回身禮金像。堅老

陽山

薄日山風吹。長松亂清影。白雲逗殘雪。忽見前峰暝。野鳥下寒竹。孤僧汲修綆。聊欲遂幽尋。理策度西嶺。忽然有得

樂景晚題

鳴泉石上流。嫋嫋秋蒲亂。登頓不知疲。落日山家飯。開門巖翠入。清暉淡河漢。僮僕戒晨征。翺翔待鳧雁。詩亦有巖翠撲人

次青縣題壁

去年九月長安來鯉魚風起船旗開今年三月舊山去馬上
緣楊掠飛絮舊山風景復何如昨日家人有報書當門萬里
崑崙水千點桃花尺半魚小詩却
傳今

王官谷訪薛氏兄弟隱居

曉日上王官林煙一帶寒司空遺舊谷之子樂棲盤飛瀑水
千仞修篁雨萬竿浮生復何為只說住山難

丹陽觀

寂寞丹陽觀崔嵬天柱峰已無雲際鶴猶見水中龍僊蛻藏
珠塔靈風拂礪松三生如可證同聽一樓鐘神骨
迥別

次樊橋

景物蕭森作曉寒鯉魚風起蓼花殘酒歌無那秦聲苦世事

從來蜀道難猿鶴不驚高士夢星霜偏妬遠遊冠徘徊眼底
秋山好都作怱怱馬上看

訪隱者不遇

白雲滿前山山門亂溪水幽人何處尋立久聞松子悠然

登棲巖寺

危磴一百盤巖風蕩林莽滴瀝石門泉飛作人間雨
仁壽古塔存巋然在高嶺山風吹夕陽一片琉璃影奇
令人蕩漾

豐干大上

一領布裘溫隨時道最尊空山聞梵唱騎虎入松門妙

寒山大士

布襦太零落形貌復枯瘁若止寒巖中時來國清寺

夜間鴈
紫塞幾時來
寒聲墮茅屋
如何夜已半
尚未蘆花宿

得唐人
神髓

珠樓

珠樓十二啣金蟾
陌上春風打帽檐
盡道天香何處落
不知人在水晶簾

鎮州荷花

城南城北皆荷花
正對城門是酒家
下馬猶能再斟酌
醉臨明鏡看吳娃

送僧入越

瓢笠蕭然上國逢
歸途冉冉水雲踪
他時若過靈嘉寺
一扣

九乳鐘

天章挾其著作遊京師
王吳廬宮詹客之
王阮亭侍讀為
序其詩稿以行
聲名大振卒未被
凌雲之賞何也
然家居濁河之濱
負米養親以栗酒
自適即何必騎款
段僕僕東華道上
而後為得意耶
李念慈 吧瞻劬菴陝西涇陽人

携鄧孝威過嶺集人粵東還過維揚值其方營選政即

事賦贈

背我適東粵得君過嶺詩
携持舟楫中每愁蛟龍窺
南上十入灘還下瀆江谿
山川相映發光芒
何陸離造化幻奇秀
君詩乃過之我行亦有吟
終然寄藩籬前有龔先生
與君作同推粵人謬參稱
顧我顏忸怩把詩憶昔別
夢寐見容輝豈期再相見
復此邗江湄巍巍文選樓
廢為選佛基帝儲去千載

與君忽相期。篇章走海內。奇賞愜南皮。時倚百尺欄。雜陳列國詞。如踞太華巔。坐攬群峰奇。我不見古人。來者亦如斯。薪盡火不滅。賴有後世知。何幸當吾世。評定稟良規。願言益努力。不忘入粵時。

兩事合作一詩筆力矯矯直抗少陵

鮑郡丞見招值大風雨渡江赴飲夜歸即事

鮑君設宴開軒牕。臥聞檐溜聲。淙淙華筵準。擬飽嘗膾急。雨何能飛渡。江中巨浪翻。銀屋漢陽渡。子空躑躅。感君厚意。心旁皇。欲向仙人借黃鵠。卻思良會。肯蹉跎。徑擢扁舟。逆浪過城門。肩鑰譙鼓。亟盡醉歸來。夜江黑。

字字轉筆筆健

阻風道士泐登西塞山

西塞山前妬女風。杖藜騁望翠微中。楚江忽觸危磯轉。越舸

初看錦纜通。泐○淡○堅○奇○嘯○不○滅○空○同○湍湍藏龍窟。黑茂林高隱。寺樓紅。故園烽火層雲外。目斷春天少北鴻。

荊州除夕

蕭條萬國兵。方動飄泊西江歲。又徂世路傷心空。繫絆浮生華髮更。江湖幸無官守妨。疎懶實有清貧養拙愚。明日明年盈半百。時危親老欲何圖。

渾樸

漢陽

大別山前雉堞稠。風煙西楚勝全收。帆開門對武昌出。岸轉江吞漢水流。鐵馬東來金口晚。冥鴻南下洞庭秋。晴川碧樹今非舊。兵火愁人欲白頭。

秦松齡

雷僊對巖江南無錫人

登燕子磯

自昔稱奇險殘陽試一登江聲趨鐵甕山勢束金陵去住隨
明月興亡問老僧空亭憑絕巘吟眺我猶能

荆南春日寫懷

遺老悲歌話大平池臺花柳遍西城佳人拾翠迷雲影帝子

吹笙度月明信宿黃巾成喪亂尋常白骨漫縱橫廿年聖

世纔休息辛苦江湖再用兵

真是詩史

楚殿梁宮竟若何江邊劫火向來多春風玉帳雕弓挂夜燭

銀箏細馬馱宋玉墻頭餘粉黛馬融堂後散笙歌繁華自昔

頻消歇湘水年年起綠波

非祇壞麗實有與感

董俞蒼水江南華亭人

湘江

岷江如英雄湘江如美女英雄勁而削美女靜且嫵我來泛

清湘風日何恬煦輕烟蕩碧波金翠浮清嶼譬諸傾城姝粲

然含笑語有時晚粧靚螺黛澹可數姍姍月中姿可即不可

侮未幾風雨來行人避江滸山水忽變色朱顏持薄怒喜慍

雖殊態性情皆可取吁嗟失意遊光艷偏得覩短句識快心

湘靈應見許為湘江寫照流姿

牂牁江

牂牁水急舟難渡谿頭葉暗枕榔樹玄猿跳躑躅猩猩啼亂山

一望迷歸路來時水淺石齒齒去時水淡波瀾瀾來時憂石

夫憂水長趁短喟何時已

抵蒼梧

一葉秋感任所之梧州城外雨絲絲江於孤客愁時折山到
無人賞處奇錦帽瑩人鬚蝟磔銀釵蠻婦語侏離最憐風景
炎方別豈菘花前酒一卮

東流縣

雲物悠悠客思閒水蒨花密鳥飛還滄江萬里東流縣細雨
篷牕無數山寫景澹絕

一葉

一葉葵猶秋水涯漁村煙火夕陽斜細看不似江南景斑竹
林中皂莢花能不動鄉關之感

李猶龍

紫函陝西洵陽籍江西吉水人強善堂詩

古林與印上人坐月賦贈

虛廊幾曲畱寒月夜靜壇深晚鐘歇露重竹斜宿鳥驚老僧
猶把殘經揭仰瞻河漢淡疎星認取禪心笑獨醒光明放出
無人見照破長空萬里青詩心澹絕

○光○景○如○西○
○夜登燕子磯喜王太史至和趙侍御韻

背寺觀漁火篝燈上釣磯蘆平江影暗風淡石濤微緱嶺人
初到僊舟興欲飛徵歌猶未歇露已溼秋衣全詩秀警

遊棲霞寺

蘆江一棹放幽踪簫鼓暮杵曉夜從對酒有歌皆白苧譚心
無念不青松光移水國村燈迥韻落山樓野磬逢縱是茱萸
非故苑也應一醉破愁容

言卷三集四
定本
蕭韶遠上逼禪踪木落山空路可從鐘隱暮林聲出寺濤生
秋樹約歸松芙蓉水淨群鷗合蘆荻花淡一雁逢宮闕望中
衰草白何如佛是六朝容

石城舟中送呂介孺先生還維陽

廊廟何人倒素蒼臨岐愁思正茫茫干城故國綢繆在兵燹
中原道路長已聽波濤衝岸急莫嫌風雨妬花忙願師且自
投竿去會有蒲輪到渭陽

峰頭夜坐

雲外笙簫奏梵腔雲中鐘磬破洪龐峰頭夜氣如經雨松裏
秋濤似瀉江

李振裕維饒醒齋江西吉水人白石山房稿

過梅崑儀部容園

似草柳
枯葉散蕭林亭空有餘響主人步檐楹有客成獨往顧景但
忘言同結煙霞想手把西山詩嵐光生紙上冥語契真遊悠
然動俯仰何處發幽香黃花恣讌賞

字無俗韻句有遙情

夜集趙鐵源同年寓齋對菊卽席限韻

芳草藉錦茵榮木吐華萼金管拂笙竽瓊樓飛羽爵如何曠
士心偏與黃花約澹景自澄鮮幽情一領畧虛館生夕光四
壁無丹雘據地發高吟仰天笑垂橐招邀素心人清言展戲
謔酒樽未悉陳紙筆紛錯落余獨踞匡牀病不勝盃酌飯煮

玉粳香鳧烹恣大嚼豈曰饜盤食適意欣所托隔院響檀槽
樽啻翻不樂寄身環堵中所志在寥廓心與跡雙清寒風振

檐鐸情懷如雪一洗軒冕之陋

登臥佛樓

高閣吞烟樹。天空動海鯢。鳥翎穿白浪。魚眼射青溪。寺古僧初定。雲淡客到迷。夕陽喧渡晚。帆捲杏花西。

送方敦四之粵

一時南國彥。都向五羊城。嶺路同知己。江樓獨別情。亂雲明絕壑。百粵近銷兵。安得隨君往。鞦韆聽遠聲。

次韻留別方位伯梅耦長

昨日尋原路。還家又遠行。故人樽酒在。別夢月華明。詩思頻年減。荒心野水鳴。扁舟江上去。遲汝豫章城。

起潛上人重修隆慶寺詩以贈之

五百年來寺。灰飛舍利空。地經烽火後。僧老亂離中。碧瓦餘殘照。雲雲動曉風。誅茅新豎幟。不必說元豐。

施愚山觀察惠詩依韻奉酬

螺川存講席。問字幾經過。報國文章在。重陽風雨多。黃花堪佐酒。南浦且當歌。知有并州思。蒼生近若何。

雨甚諸同人散去施愚山高阮懷止宿齋中

高會連吳越。清秋雜管絃。筵開桑落酒。人聚菊花天。夜雨淹留得。新詩次第傳。諸公延勝賞。慎莫問歸船。

遊歸宗寺

今日識歸宗。雲烟幾萬重。山留千古色。門靜六朝松。瀑濺晴飛雪。經翻定後鐘。墨池遺韻在。龍象若為容。

筆彩墨暈浮動紙上

慎墨堂

雪

草閣明寒夜。荒村不掩關。巡簷驚白首。捲幔失青山。徵調何時歇。軍書此地閒。撥醅煨芋火。穉子有歡顏。

雪止

乍覺晨光動。晴雲濕未歸。春泥霑砌草。山鳥坐書幃。嶺路浮家穩。村烟出樹微。居人不畏虎。溪夜落柴扉。

試燈有感

不謂巖居寂。春燈媚草堂。吟詩消白日。適意在滄浪。近郭疲戎馬。溪山足稻梁。當年歌吹地。星月滿池塘。

自不

樂志堂為喬石林舍人賦

獨鶴空亭立。何殊谷口幽。忽從艇子度。疑是輞川遊。水長孤城閉。煙深故國愁。憑欄重徙倚。灑酒共登樓。

夏夜喬石林約汪叔定陳水壑集樂志堂限韻送汪蛟

門舍人北上余以事阻補詩三首仍用十蒸韻

夜涼群動肅。初月傍簷升。簡韻分題扇。忘言但枕肱。臨風依

碧樹拄杖引紅籐。隔日提壺處。長吟愧未能。

賈生空歎息。長嘯有孫登。憂樂古人異。悲歌曠世增。重湖遲

羽騎斷岸失魚罾。有客將行邁。炎途慎寢興。

有酒過長晝。無家戀友朋。新知連舊雨。高館憶春燈。世路難

如此交情得。未曾津亭吹玉笛。離思互相仍。

文江即事

三作高邈頓折筆墨全殊

言卷三集四
小園叢桂時將發。故國黃花到眼稀。蘆蘆逐風生月已。上霜江
秋老雁初歸。移軍嶺外猶衷甲。兵艘八月天寒未授衣。輪輓
年來民力竭。詔書曾否及巖扉。識正憂深出以和婉

恭謁文山先生祠

宋家陵谷等塵埃。相國殘碑歷劫灰。舉世幾人祠下拜。寒山
片石夕陽開。孤忠自可存今古。遺廟何妨付草萊。漫說春秋
猶饗祀。一林風雨閉荒臺。孤忠不藉廟祀此論特為開闢

憶東湖書舍

我有東湖新草堂。無非水色與山光。開門恰當鷗鷺立。隔院
時聞梅檀香。老僧携琴時一鼓。獨樹到夜轉青蒼。別來不覺
遂十日。廬峰回首思茫茫。空同七律每用拘體此首骨格峻峭正堪與北地並駕

南昌卽事有感

江國年來饒勝事。青帘白板畫橋西。雙湖影落千山曉。萬井
烟橫百雉低。遠檄傳來驚幕府。中宵數起聽鳴鷄。臨戎不講
安民策。空使溪閩帶月啼。江右之民塗炭極矣誰秉節鉞而令至此以此詩作諷庶有救

山居卽事

聞道玉山山色好。猿攀鳥引上丹梯。閉門野客穿花徑。多事
仙翁散馬蹄。山有仙蹤遲日喜添春水到連朝最愛嶺雲齊。江
鄉幾處容高枕。愁聽江聲雜鼓鞀。識高力厚神堅骨蒼當為少陵後勁無疑

雪夜讀史

洛陽少年空嘆嗟。白衣山人朝飲霞。削平七國非無策。跋扈

諸藩舊一家。灞上將軍新幕府。春來貢使薦芽茶。銜枚疾走。蔡州道夜雪無聲靜不譁。讀此知其識畧之優

十六日復雨

經年踪跡類飛蓬。獨樹花繁憶舊叢。殘雪未消千嶂白。淡燈重對一樽紅。地非巫峽常多雨。船泊瀧江好挂風。敢戀巖棲忘出處。簷楹徙倚暮愁中。秀挺

懷亦園

我有柏亭章水上。峰巒洞壑總天然。先人手闢借高隱。坐客題詩勝輞川。水檻凌虛雲細細。風牀落影月娟娟。江城第宅紛戎幕。無恙春山有杜鵑。侗儻不凡 國屬英構

懷大士庵讀書處

讀書淡處百花洲。面面烟光接地浮。孤塔夜懸千佛影。雙湖日落滿城秋。垂楊繫艇樽移岸。獨樹當牕人倚樓。醉臥長橋風雨至。醒來身在釣魚舟。圓滿 秀麗

留別程穆倩

七十年来成大隱。溪山何地可藏名。三間老屋容高枕。四海蒼黎未罷兵。被酒遶牀扶玉樹。抄書細字敵諸生。旗亭不忍輕言別。夢入隋隄共月明。扶疎高敞。穆倩名將侯羸而先生每篤彞門之誼吾黨于此

服其道力

和白仲調同年見贈原韻

扁舟隔歲度金陵。十日重關坐翠層。桃葉笙歌喧夜月。故園烽火正填膺。東南機杼聲猶急。宵旰憂勤賦未增。聖主只

今須獻替書生何以頌如繩

語必關係非浪為筆墨者

青郊載酒上春潮星聚同人近斗杓隋苑鶯花三月暮津亭

烟柳片帆遙把君詩卷過長日何處江樓列短簫別緒已淡

芳草怨可堪鄉思轉無聊

送吳星若之大梁用梁司農前輩韻

朔風吹雨凍高城冰雪冷冷暮靄生作宦如子貪屏跡編詩

似子謝浮名客中乍喜聞鄉語身外論交非世情去去青陵

餘感慨芒鞋何日返柴荆

授館職紀遇

六年草土思親淚兩載兵戈戀闕心多難敢云臣節苦不才

轉覺主恩深身還紫禁依新雨夢入青山憶舊林苑裏花間

容肅傲有時翹首一長吟

若氣不可及

醒齋先生京師手授詩稿予久刻之名家詩品中而維揚朱天飲下蘭皋兩學博謂余曰

今天下聿隆文教首重風雅適侍講吉水李公來北地為文宗詩又卓犖超拔如是不登之詩觀三集何以廣布郡國

而令學者知所適從也余曰子言誠然遂登之梨棗

胡會恩孟綸浙江德清人煙帆草

惠山和唐王晦伯寶丹列朱遐景韻

擎舟指晴嵐松櫪圍青蒼古塔峙雲杪排空瞰山堂連蜷九

龍脊峰勢如同翔琳官雜紺碧掩暎巖壑光雲根湛靈液漱

齒生甘香軟滌煩襟萬慮從茲忘

有唐三處士卓犖風雅人詩傳千載後猶似溪山新掃石剔

苔、薛、姓、氏、終、不、磷、髯、蘇、有、真、賞、愛、其、清、出、塵、始、知、古、人、作、健

筆凌蒼旻後來題壁者誰與數公鄰

客歲經此山逃暑息溪樾啜泉試佳茗迴與世緣絕酒人適

天真禪侶談寂滅聲韻入古已澣衣上塵更延松際月今我復登臨聯

袂高吟發昔賢邈何期吾儕庶同轍三章絕有次第而音調之道意識之老直

踞峰巔

江行得風戲為長句

江行只趁風不愁江路遐朝泊板子磯孤舟依亂葭南薰當

面至罨岸如枯槎亭午天陰白石匿帆脚倏轉涼颺加解纜

衝波截江去十幅獵獵颺輪斜回看鵲尾矯空碧天門詆蕩

浮雲遮大通驛前忽放眼排列九朶青蓮華江山蟠結縵翠

靄天水晃閃翻朱霞蒼蒼秋浦渺煙際瞬息已過長風沙浴

鳧飛鷺驚不定黃蘆白葦紛無涯須臾星月照澄練汀洲歷

亂喧歸鷓四陲泱泱夜將半枕畔始聽回颿搥皖城戍樓鼓

亦動沉沉漏點飛檐牙城下旌竿立如薺西來阻棹聞咨嗟

我日泝江三百里僮僕拍手長年譁裂錢灑酒禱明日汝曹

結願何其奢南舟風便北舟苦世上疾走休驚誇吾行汎梗

無遲速慚愧江神用意賒形容舟行之疾數百里山川草樹俱集筆端余向自皖城一日

而抵八里江風颿亦有如此之速然未有長篇紀事如孟綸之超忽也

龍潭道中

客棹因風阻籃輿出潤州白沙蹲怪石青壁俯中流山店榴

花雨江邨麥穗秋龍潭知可宿樹杪一登樓筆墨雅適

天門山

絕壁東西峙。雙峰踞上游。神工擘山骨。天意東江流。風烟中艇雲。橫石角樓。怒濤從此過。直下海門秋。

泊京口

亂山屯列戍。高寺枕巖城。歷數南朝事。休論北府兵。禪燈樓塔影。漁唱入江聲。今古茫茫意。煙濤未肯平。

金陵

建業會傳半壁安。秦淮嗚咽暮濤寒。六朝寂寞青山在。十廟

陰沉畫壁殘。禾黍故墟屯鐵馬。煙花南浦失雕闌。隔江玉樹

歌聲斷。更有哀絃向月彈。

風情。賓客。遺之作。

登長干塔

吳光裏具多經高跨名都入。百寶元護總憑龍象力。諸天

全攝海山形。燈輪閃月中。宵見鈴語含風下。界聽此際憑闌

贛石道中

群峰夾岸鎖青霞。巨石橫灘蹙浪花。百折競如三峽險。雙流

奔匯一川斜。腥風夜過潭。君廟明月秋懸木。客家東望吳關

真萬里。片帆行盡楚天涯。

舟過邗江丁蘭舉出新詩見示賦贈

片帆長夏入維揚。邗岌新詩送夕涼。六月手披冰雪卷。半江

風散芰荷香。竹西歌吹畱吟席。花下琴尊列講堂。誰道鄭虔

官獨冷。縹函玉軸更琳瑯。

蘭舉一種廣陵而畱心風雅人士皈依宜孟綸太史噴噴歎其

高

鷓鴣山晚眺

連岡複磴俯金陵。躡屐還登最上層。破廟鐵衣悲猛士。中峰
布帽想高僧。六時瓶鉢無今古。一代風雲有廢興。回望後湖
洲水滿。紅蕖香裏晒漁舂。
後有作鷓鴣山詩者俱當閣筆

項王廟下作

老樹殘風廟貌湮。重瞻霸氣此沉淪。沐猴事業終懷楚。逐鹿
功名只覆秦。一夜悲歌隨帳下。千秋枯骨瘞江濱。長陵坏土
還蕭瑟。獨弔英魂歎幾頻。

小孤山

斗絕中流一柱尊。天南地北峙江門。迴風絕壑蛟鼉徙。昔日
陰崖鶴雀屯。絕頂巉巖飛閣影。孤根全嶠怒濤痕。女郎祠廟

知何代。遂有靈旗月下翻。

險峭雄麗
全本少陵

秦淮四首

朱樓銀箔最分明。歌舫燈船取次行。六代繁華銷不盡。江風
吹落管絃聲。

絲雲飛盡石城荒。玉篴吹殘夜未央。好記秦淮最佳處。一川
煙月柳絲黃。

避暑閒房枕簟幽。藕花菰葉遍芳洲。夜涼水榭懸燈宿。風過
青溪五月秋。

舞衣歌板久成塵。煙草淒迷故苑春。貪看小姑祠下水。難逢
桃葉渡頭人。

秦淮岸地樓臺花鳥鏡奩鈿盒檀板清歌
皆太平極盛時事今俱不可問為之太息
憶戊申客茗上窮巷秋雨而孟綸携老教師馬舜甫見過
酒間一彈再唱音韻感人蓋開元天寶之遺調也此事最

言聲三集四
定本
為可憶今孟綸身列蘭臺而僕為江潭病客丁廣文蘭皋
持孟綸札子來謂僕可能記憶噲昔太史不遺故人子敢
頓忘舊雨哉

汪文楨 周士六州江南休寧人家桐鄉
噴飯集

舟次塘口

日落天半赤。輕風吹行舟。谿迴路始分。地僻心彌幽。疎林遠
山出。高岸喬木稠。不審所居人。習俗還淳不久懷。幽棲志此
中。或易求結屋四五間。倚山面清流。鄰里日往還。耕鑿相與
謀。兵戈不我聞。沮溺為朋儔。惜哉迫行役。曾未獲少畱。夜宿
有常程。前向燠光投。
涉筆古傳
跌宕
似少陵西
枝村諸作

次和徐臞庵經三過堂有感

孟冬風日佳。微霰猶未灑。弭楫入荒林。幽懷聊一寫。憶昔蘇

公來僕御滿堂下。老僧具蔬枰。滄茗謝飛牟。此生如寢幻年

歲。不汝假題詩。意淒然。寄宿祇暫且。興衰迭改觀。造化為大

冶。雕甍巢壑。雀蔓草。紫石馬空然。高突兀轉盼。成傾厦。蛛絲

絡衣。緇蘇痕。剝面。赭夜。淡月。墮梁。風激鼠竄瓦。鐘磬寂無聲。

游人到偏寡。蚩哉彼淫祠。輝煌耀原壑。香靄散朝煙。金錢競

喜捨。誰念先賢蹟。流風振遺社。
古聲覺調而出之歷落
崎嶇五古中此種絕少

雪後曹秋岳先生招同崔兔牀舍弟晉賢泛西湖過瑞

雲菴歸飲寓樓作

冰泐水逾白。雪消山漸青。追陪杖履出。清泛揚吳舲。寒凝巖

際。寺光映湖中。亭漁人逐飛鳧。拍拍向前汀。岸近得修竹。輕

橈為暫停。幽尋悵難遇。小徑喜不扃。顧茲林巒秀。緩步周階

庭歸來朔風急斜日低郊坳欲遂罄餘歡大呼索芳醴斯須
看羞列兼倒白玉瓶嘯詠盡蓮漏餘醒殊未醒
層次寫景
巖巒水木

無不人妙直是
一幅輞川圖

食梨

故園美梨遠難得近處鄆州稱獨佳不比山東酸且小味薄
皮厚粗如柴鄉園所植若近泉穴則實大如瓜憶昔前年住
甘美無比自山東來者最小最下
摘藻閒游喜與法侶偕菓園處處踏花雨那惜布襪同青鞵
善包看喚洞庭子包梨每用
洞庭山人竹梯倚樹齊蒼厓猿猴上下捷
飛步入雲直似登堂階繫以黃麻裹青箬免傷鳥雀兼蟲蝸
暑氣漸微秋露下園中採摘加磨搯削成黃蠟圓且好大小
勻稱無少乖出雖山中聚城郭到處手携過市街菱紅藕白

價頗賤對之減色同邨娃阿季扁舟疾封送筠籠分置標諸

牌以小木牌上
書送某某

張公谷口重珍品杖頭豈吝投銀釵歡喜遼

巡走兒女沾唇爽快空吾儕骨甘體冷細香在味別不與凡

菓諧玉壺會冰助津液金莖皓露流胸懷五更酒醒苦煩渴

雕梓早為儲清齋

摹擬盡致令人津液頓生其筆
力老硬生峭則得之韓蘇者淡

食栗

露涼風細中秋朔園栗低垂壓牆角投石既逐松廳偷插竿
更防山鳥啄相傳桂樹接根枝不惜清香數株斲又云陂瘳
反相空灌溉殊非耐穢濁今年新皺頗繁夥刺長蝟毛文類
駁剖之各各實滿房如金在鎔玉在璞鮮食生津自古方餘
者將籠挂榱桷遙憶天風十月寒房櫛處處遮帷幄楫柁圍

鑪旋苦饑呼婢却取煨帶殼伴將紫芋寂無聲惟渠忽爾驚
竹爆鳳凰之喻果無虛一綫初呈自能剝兒童喜食等棗梨
牀上索取不厭數強作解事云甚佳迥殊市販波中濯皮光
市栗之惡如此
質重真意減味如嚼蠟兼冰雹久之蟲蠹內橫生壞爛堪嘗
不盈握髯翁聞說大軒渠此言雖淺事差確夜長貪嚼不曾
眠隔壁荒雞聲啞啞
說出多少風韻極細極柔
安得便用纖纖之手剝之

後門小圃瓜蔓蒙密豆町菁蔥久立欣然有作二首

頗怪前頻雨清渠漫積籬人秋青蔓合映日白華垂豆密棚

牢拄瓜繁架漸欹平生學圃願注眼立多時

年荒饑饉併物價各爭騰圃藪欣多潤畦瓜看漸登蟻蟲防

弱帶雞犬礙重簾榜腹充腸好還雷待飯僧

風味極佳

桐廬道中用松園老人韻

山縣初過日漸曛客帆春樹一江分天寒魚米早收市嶺峻

樵蘇半入雲鷗鷺灘平方得侶牛羊徑僻未成群行人共喜

烽烟息伏莽年來亦鮮聞

既饒風韻又極確切此謂匠心之作

舫集蓮塘因感舊事次前韻

芰荷淡處美鷗眠繞岸輕移錦纜船水枕藕絲懷舊事香奩

藥裏憶當年花開北里朝傳札月滿西樓夜簸錢錦瑟無端

生別恨烟花空為望藍田

顧菴曾為我言桐谿昆仲于艷事頗有料理詩亦逼真義山信

為不誣

贈孫豹人中翰

秋風疎柳映吳城一見先深數載情編史館中虛左席拜官

堂上傲公卿。事見愚山先生送歸序。多男恰似陶元亮遊嶽何如向子。風調最高。平酒後睡壺須擊碎長歌耳熱本秦聲。

歸雲菴題書

連峰萬頃雲何處疎鐘響時有寒巖僧雲中自來往。遠。歸樵下山徑微月穿林明疎篁映茅屋中有讀書聲。

余昔至其

地讀二絕為之神往

題查梅壑畫

遙山落日明漁渚夕烟起緣知數聲笛只在蘆花裏。

靜

苦水謠

夏秋大雨苦相連渺渺陂塘水拍天去歲河枯頻掘井今年田沒好搖船。正合謠體

題蕭家店

紅粉當爐衫袖香。點湯問客故先嘗。馳名小餅千層好盡識。儂家蕭九娘。有古意。蕭九娘何如黃四娘耶賴六州以傳矣。

懷澹歸大師

畫舫湖山醉泛頻。六橋烟柳寢中春。老成屈指今無幾持鉢披緇剩此人。徐橫秋為余言昔與澹公文酒游歌之會竟同一夢。

裏湖訪荷

波面青銅湧碧螺。隔隄唱徹采蓮歌。見人蕩槳笑相指船進裏湖花更多。兩湖荷花似太裏湖較盛。

輓李山人笠翁

十郎憔悴抱花眠。自按新詞妓撥絃。芥子園荒燕子去廣場。

猶唱奈何天

笠翁有芥子園
是其所作樂府中之一

奈何天

此老別
是一種

花信

幾番花信到芳叢送煖催晴向此中莫為飛花怨飄蕩作成
春色是東風作去 翻得好

江森

晉賢玉峰江南休寧人家桐鄉
袁村樓詩稿

虞山雜詠

霜氣肅高秋遙見千樹赤肩輿憩亭皋閑坐磯上石雲外孤

鴻飛諸峰日將夕

南巖秋樹

斜日板橋外春風壑店前杏花寒食雨柳絮斷隄烟牧笛聲

何處耕牛壟上眠

三橋壟店

數首全似摩詰

和徐臞菴經三過堂有感

我來廢寺中祠宇闕埽灑蘇公像儼然無復龍蛇寫緬想寒
谿流三過在其下當時碧月招對客揮金竿事往數百年良

媒安可假懷古雖有人追尋亦試且徘徊榛莽間腰卸昆吾

冶蕭颯西風迴琅璫響鐵馬朱門競豪奢執庇此傾厦聽嘯

舊井枯鴈叫霜楓赭僧徒半遁跡屋漏不蔽瓦但聞戍鼓鳴

梵唄出林寡傷餘樵李亭子立在荒壑落日感慨生渾忘舟

楫捨桑麻空極目疇比樂公社

俯仰今昔颯沓風來其
文筆雅麗則鮑徐之匹

雪後曹秋岳先生招同崔兔牀泛西湖過瑞雪菴歸飲

寓樓作

湖千雪初霽曠覽同揚舲微笑啜佳茗汲泉愛清泠潛魚漾
淺碧浴鷺浮寒汀雷峰屹相向勢欲凌青冥徘徊過蘭若叢

桂羅前庭支公偶爾出階鶴開梳翎徑微積淡凍屐齒愁難
經迴橈尚斜照烟靄留南屏朔風吹我衣驅寒思醪醑登樓
且留坐促膝依疎櫺咄嗟具樽俎蠟照爭光熒當筵快談嘯
痛飲誰獨醒康樂之神骨右丞之風趣此篇具有

草堂春盡獨坐寡營偶檢東坡集見百步洪詩喜而次

之

媽紅姹紫隨逝波春光一去如飛梭
嗒然隱几亦何事強將詩酒空消磨
舍旁隙地將一畝亂石點綴差成坡
別有小池纔數武透泥出水浮新荷
小僮汲綆煎茗熟沸騰鑪內翻千
渦方牀夢後起消渴滿啜有同鼠飲
河昨者薰風生薄暑已寸刀尺裁輕
羅新栽花竹繞牕戶灌溉每思郭橐
駝藥欄蘇

砌多位置蟻封蚓徑殊委蛇籬邊一犬自眠路梁間雙燕猶
營窠物情意態俱可適與到覓句能幾何書堂幽悄靜如水
不聞鄰曲來呼呵便似東坡翁

魏叔子過草堂旋別次原韻

聞到吳閩久相期匪浹旬病扶黃葉路秋老翠微人亂後情
多感宵分話更親如何遽回棹悵望出烟津叔子載病而遊吳越卒客

死真州可歎

次韵送筠士上人之閩

閩嶠三千里詩瓢十月移何妨支遁侶遠赴庾公期日落鳧
鷺亂霜寒橘柚垂高灘經黯淡坐穩任篙師

石塘觀潮

肝駭東南浸蒼茫。氣象開乍。虛銀沫起旋湧。雪山來光冷含。
斜照風長挾怒雷。蛟龍翻窟宅。誰復探珠回。
足抵一篇海賦

望海

天鷄鳴罷彩雲新。浴日瞳矐已向晨。沆瀣未餐逃世客。魚鹽
半屬弄潮人。霜戈鐵騎烟中戍。金闕銀臺劫外春。總媿魯連
高蹈節。持竿擬覓釣魚濱。
造奇闢異 筆有光芒

顧子以詩畱別次前韻

小閣輕寒百雉圍。分攜何計挽殘暉。山僧侯倚桄榔杖。游子
行尋薜荔衣。微月映舟籬犬吠。遠烟依渚水禽飛。將離開徧
闌干外。不道春違客又違。

鹽官彭美門舍人欲垂訪已撥櫂至烏戍而返

遙憶吟詩過一春。開門幽砌長落茵。看花問竹晨游慣。歡茗
燒鐙夜讀頻。小市颿回烏榜遠。長安詔起鶴書新。祇憐流寓
孤城客。戢羽何時得共親。
一路風 光可懷

送潘次耕人都依畱別原韻

吾同舍弟聚山樓。忽謾分携溝水頭。驟馬輓塵過舊驛。征鴻
寒月送殘秋。自來巖穴求高隱。此去京華識壯游。蒼弁烏瞻
回首處。中宵旅夢幾澆畱。
次耕入都最晚其情事有難 言者此詩和潤極為得體

次韻徐臞菴歲莫過訪之作

疎籬積雪為君開。杞菊猶從別後栽。百里相違曾不遠。一年
何事此方來。題箋草閣同呵硯。促席糟房旋醅醅。擬向萬峰
携蠟屐。梅花林下共徘徊。
好。心。 ○賜。如。今。所。罕。

命者桐谿兄弟傾
勳天下有以也

同吳孟舉卽席分簷字韻

藤蘿蓋瓦拂層簷。蘭葉抽芽碧玉纖。青眼按歌偏易顧。紫髯
題句不須拈。鵲鑪烟裊縈虛幌。樺燭光搖逼小簾。酪酏正空
文字飲。高城那問漏厭厭。

高樓百尺列蚪簷。對客揮毫鬪巧纖。檀板細教童子按。玉簫
閑待主人拈。孟舉善吹簫雨淡菜把敬芳徑。風動花枝壓畫簾。遙

認邨莊黃葉裏。谿山占盡未曾厭。穠纖合度骨態咸宜

得仲兄季弟倡和詩次韻

桐陰午榻伴閑眠。夢上蒼南舊釣船。兄弟諒應爲世世。文章
欣共論年年。管窺莫問朝端事。甕算徒勞市上錢。十具吳門

先業在躬耕。還念故山田。

清明日郊游

東臯蘭若路紆徐。處處新烟禁火餘。楊柳板橋停畫舫。辛夸
花巷過籃輿。春風小榼鶯嚙後。斜日重門客到初。隨例蹋青
忘遠近。亂山目斷正愁余。

送金亦陶游黃山

愛山情癖裹糧行。千仞峰頭雲海明。日出尚憐塵界暗。雨來
偏喜上方晴。琮瑤瀑水珠簾瀉。欹側松株略徇平。五嶽金箱
徧圖書。生綃一卷待添成。

次答王倩修

東林斜日亂鳴蟬。幽意會無外物牽。牕下梧桐僧院榻。溪邊

楊柳郭門船。絺衣映雪移。涼月墨藩浮。香趁晚天懷。驟風流
比河朔。招携露飲醉忘眠。

雜憶

畫、橈、翠、幕、出、橫、塘、水、面、鏡、紅、夜、未、央、最、憶、月、明、人、醉、後、一、聲、
橫、笛、弄、伊、涼、風

樺燭高燒列綺筵。彈絲吹竹正喧闐。曲中憶聽關情處。嬌亂
離人夜不眠。如此柔情 正復不惡

舟過茗谿

青山缺處綠陰濃。牧笛漁歌隔浦通。日暮採蓮人去遠。不堪
芰雨又蘋風。漁

汪文柏 季青良谿周士晉賢弟 攜漢堂詩

渡太湖

晚濟風何急。平湖雲氣昏。浪頭穿地底。日脚射山根。鳥陣隨
天沒。漁舸隔浦屯。迷離烟火際。遠客問前邨。極意形容

贈吳漢槎

積雪峻嶒塞外山。天教才子歷間關。身羈萬里孤臣淚。賦就
三都兩鬢斑。北闕有人憐死別。南冠無恙又生還。時清長侍
潘輿好。猶恐徵書不放閑。漢槎蒙 恩赦還誰知 溘爾朝露可勝歎恨

題邵僧彌漁隱畫

風波不礙穩如山。沽酒江邨日暮還。遙羨雨蓑風笠好。倒撐
篷艇出谿灣。

春日即事

言卷三集四
定本
壑徑香多枳殼花柴車輕御到山家攜錢買得黃茅酒一醉
扶歸蓆帽斜大有世外意

過朱老看牡丹次徐松之韻

數椽茆屋綠谿衰也種盤絨簇錦花喜得春風吹不定穠香
分遞入鄰家春風偏有公道

次韻寄答鹿牀犀月仲兄叔兄見懷

風清竹裏圍碁局雲暝花邊壓酒牀幽事定多身未與只緣

櫻筍帶山鄉帶山鄉亦是清境

周士晉賢當山水絕勝之地葺宇讀書而愛好詞章四方同人挈舟往會相與彈絲揮箏刻燭飛箋于青峰綠樹間洵可樂也兩君皆獲于維揚把晤而近得季青藻思萃騰足與兄敵雖未接其聲塵而知其風度有過人者夫富貴非難而文采意氣鼓動當世為難觀于三汗宜吾友青藜已畦稼山竹坵諸君稱道不置也

朱 虹天飲江南吳江人 廣陵雜詠

憶鄧尉梅花二首

久結探梅興經年事轉賒雪消花有信春到客思家雲氣凝秀絕

瑤島香風擁鈿車佳遊情未極西崦起烟霞風韻獨上

林塘停短棹會記借籃輿瀑濺高還下雲間卷更舒湖光晴

自豁山翠暖偏疎無限登臨好花香滿客裾

東杜于皇

杜老移家處藜牀坐草堂江聲環白下山色隔黃岡貯史盈高蒼

千卷探錢少一囊相看蕭寺晚寒菊幾叢霜字字是茶村本色

曹秋岳侍郎見訪學署賦贈

津亭維錦纜彷彿剡溪船烟月宜為客風塵肯下賢鳳翔千風神皎鏡

何迥鶴寄一枝便待乞如椽筆刪成蒼叢編

呈同年張敦復學士

十載研京漢大儒崇班清切禁中趨金莖賜露承仙掌玉案
籠香近御鑪花月正作迴白鵠溪山最勝問青鳥請假歸葬預開
黃閣君恩重肯向江東戀鱸典切足儷盛唐

寄余嵩山夫子

不分微材入藥籠自慚小技是雕蟲幾番鎖院薔薇滿到處
闌干首荷空懷袖○翟○翟○好○新○月○柳○八行看朗月執經廿載憶春風吹噓倘送
河東賦立向門墻敢負公

陪劉木齋學憲紅橋觀荷還舟過方園夕眺次劉公韻

亞水紅衣繡作堆追陪絳節畫船來可知坐近蓮花府應許○悠○揚○有○致○

歌傳荷葉杯堂指平山行樂地詩驚大曆秋群才涼生雨後

園林好迴望天邊霽色開

題司徒廟

結義休論任俠心盤空正氣直千尋靈旗護國朱常閃大樹
娛人綠自陰賸有新宮營趙范應從舊部痛王琳蜀岡蘋藻
年年在仰止英風寄短吟

送虞山許南交北上

上客翩然賦遠征風流白袷趁秋清携將北苑烟中景去看
西山雪後晴肯把吳鉤輕出匣須知趙璧重連城金門待詔
尋常事染翰餘閒好寄聲

上巳日雨 裴敬亭侍御課士題

元已風光說柔蘭却逢積雨釀輕寒林鷺頻轉聲猶澀社燕
初巢羽未乾南陌探春泥濺屐東流解襖水生澗陰晴信是
天公意好為良蠶仔細看鮮美絕倫

送吳蘭次太守遊東粵

懸車高臥尚華年乘興南尋嶺海烟使節依稀畱錦石霸圖
寂寞指花田橫門綠到三秋晚荔子丹勻六月天倚醉行吟
頻蠟屐還家誰問買山錢風華韶秀令人不覺遠遊之為苦

寄總制吳雷村先生

東眺扶桑曙色平新開幕府五羊城紀綱自執中丞法節鉞
還專太尉兵向化海涯多屬國感恩吳下說諸生黃扉正倚
調元宰爭看鋒車到帝京

招青浦童西爽小飲有贈

翩然綦履自蕭閒倒屣相看一解顏冀北空群來目下江東
獨秀本雲間娛人濃綠當牕樹畱客遙看過雨山好覓鵝溪
三尺絹從君薄醉寫荆關

送胡孟綸太史假旋

晉陵門第舊名家譽滿臨軒蚤看花報國元功思捧日驚人
佳句賦餘霞齊紈乍賚迴風扇顧渚纔煎活水茶便殿可知
需坐論履聲還促上金華

送韓慕廬侍講還燕朝

練淨春江鷁首舒天風吹引侍臣裾花磚耀景先分席藜閣
清輝更校書烟惹御鑪香案近露承仙掌月華初綸扉正倚

調元宰綠鬢功成若箇如

雖是應制體却筆端有蘭芷之氣吹人襟袖

題卓火傳傳經堂

君子堂開杜若汀衣冠肅穆正揚靈述來祖德垂三葉留取
家風在一經遠近雲山當案碧參差竹樹入簾青侍中重席
休相詫欲揆淵源向此聽風

平山堂卽事

清秋勝地一追攀逸興翛然解客顏縱失當時舊欄檻晴空

看盡隔江山

此謂真賞

上趙閩仙學憲

江上寒林霜葉空却從蓮幕度春風蕃釐觀裏花重發弄色
含香故不同

茱萸灣口畫船開夾岸爭牽錦纜迴爲說芳菲桃李節一琴

一鶴早攜來

寫得風韻撩人

題顧荇文翠竹碧梧書屋

莫美藍田老畫師前身金粟繫人思無錢不北斗青竇換得
奚囊絕妙辭

弔萬貞女絕句

從死泉臺大義深夫亡姑老更沉吟翻憐絕筆書扉日未了
閨中一寸心

送我怡上人叅金粟

風簷高論嘆知希經歲繩牀只掩扉此去一肩橫柳標何人
裁與水田衣

喜孫豹人自楚中返廣陵

浮歲浮湘攬勝遊。歸裝莫問剩輕舟。傳來一事豪無敵。題得新詩黃鶴樓。
不怕崔顥題詩在上頭。固是快事。

和黃仙裳觀劇詩

教成新伎桂堂東。月上瓊瑜繡作叢。一樣內家音節好。底須小豆記紅紅。

不是湘潭舞柘枝。當筵勸客引鸕鷀。周郎顧曲聞名早。却少

流傳絕妙詞。

周郎固
有勝場

昔人論詩曰新詩如彈丸。又云如初出芙蓉。自然可愛。蓋風神色澤。為詩家第一。律以粗莽。蹇晦為高。詎風雅之正。則天飲詩典。貴風華。飄逸。俊令業已登右丞之堂。而躋賓客之席。披誦之餘。愛玩無斃。迨秉鐸廣陵。其教士子。必兼比興之業。蓋以尊功令崇藝文。輔蔽休明。行將允賴之矣。

丁德明

蘭皋江南繁昌人
培柏堂詩

徐松之見過留飲次韻

片席邗江上年來。孰問津天涯。忻到客雨外。集同人座映紅。榴火杯添竹葉春。南皮千載事。今日却重新。

送徐松之之潤州

佳麗推邗上。君來一賦收。才傾栢露酒。又上木蘭舟。夜冷金山月。楓生鐵甕秋。隔江回首望。高處是迷樓。
無處不見尺度

讀宮坊胡孟綸先生述祖德詩

文字歸胡並。循良嶺海專。孤身圖保障。萬姓哭廉泉。廟古樓雙燕。林空繞杜鵑。支孫今館閣。揮灑著宏篇。
沈○著○健○
典則風韻

邗上喜晤儀部周龍圖時副通政鄭山公先生祇命

禹陵

分手燕臺忽幾年，相逢不信大江邊。
為探禹穴千秋蹟，特信儒臣一辨烟。
謝傅詩歌湖上雨，李膺賓從柳陰船。
同堂盡是金貂客，此去煩君說冷氈。

寄題卓火傳傳經堂

六經遺義本昭然，漢代名儒落解詮。
人在空山生白髮，家西故物只青氈。
琴書樂志操觚日，風雨趨庭授簡年。
幾欲湖漚瞻肯構，野花籬外夢溪烟。

題方氏白華樓

弟兄純孝古無倫，特起高樓悅老親。
豈料星昏婺女宿，翻憐萱頌太夫人。
開廳眼望迷芳草，閉戶傷懷過好春。
摩詰輞川傷懷過好春，摩詰輞川

同一慨

摩詰作輞川以奉親親沒遂捨為寺

杜鵑啼斷淚痕新

崔公自廣陵太守擢兩淮漕憲

卓異行將公與卿，淮南轉運藉經營。
遂勞劉晏持籌密，却值桓寬著論成。
久仰人龍親教化，敢云司馬擅才英。
轉愁旌蓋歸天闕，未得長瞻袞繡榮。

具見風義

送裴巖臺歸江南

豸冠驄馬望嶙峋，栽遍江南桃李新。
但覺清風携滿袖，那看秋色醉行尊。
有懷欲逐邗溝水，無計重扳御史輪。
旦夕墮書天上至，至漫疑張翰戀鱸尊。

其人此詩洵非溢美

夏至日飲程濂月薛蘿齋中嗣登康山夕眺

蒼藤繡壁綠陰成。日永南牕几簟清。苔逕生寒疑雨過，絺衣

身爽覺風輕。秀環亭上幽人酒，貫藥詞高楚客情。離騷貫薛荔之落藥

乘興登山容遠眺。江南幾處晚峰晴。輕重疾徐想其格理之細

紅橋觀荷和劉學憲韻

綠楊淡處翠為堆。河朔忻逢繡憶來。北郭芙蓉堪避暑，東山

絲竹暫銜杯。同舟自倍登龍價，投簡殊慙吐鳳才。雨過晚塘

香冉冉趨陪江上看雲開

上巳日雨 裴離臺試士題

何須鼓棹竹西亭。當代昌黎坐講經。玉尺千尋簾影白，風簷

萬卷筆痕青。敲銅院吏催誦客，垂露文場聚德星。不羨河橋

人袂。試聽流水奏湘靈

送蔡仲端鶴

會記司空送鶴詩。虛齋林下恰相宜。別來東閣寒梅月，好伴

金栽綠柳池。煮茗焚香供逸趣，尋幽問字賴追隨。揚州十萬

徒虛語，畱得清姿寄所思。腰纏十萬者儘多而騎鶴者寥寥也結語有味

春盡同人招看牡丹分韻

閉閣何心問酒筵。清談轉欲就劉惔。高齋客到鶯初歇，昨夜

雨晴花正添。錦幔朱欄圍不放，春風國色最難兼。誰能擊鉢

酬佳會，樓月微斜街鼓嚴。不難其富麗而難其清韶此固足與花玉酬對

江行

曉趁南風縱葉舟。江天漠漠雨初收。那從辨取鍾山影，宿霧

荒雲莽自流

一幅江曉圖

同黃仙裳舟中坐月

去年廿四橋邊月。今歲移來到海陵。却共扁舟還聚首。一天

秋影散漁燈。悠然有閑適之味

題家勗庵兄秋江獨釣圖

夢入蟠溪幾溯洄。西泠曲曲錦江隈。從來不是絲綸手。未許

持竿上釣臺。看釣人不凡

芙蓉爲帳草爲茵。一片秋光足隱淪。愧我未酬江上約。何時

相伴採鱸尊

凡詩逞才則易傷格律而守法則遂少勝場惟游神矩度之中而又有卓論精思相爲映發斯爲難幾之業蘭舉詩步武唐人而當其清才獨出妙緒天成真有驪珠首探雲錦白爛者以訓邗士一時風雅蔚興厥功甚偉爲之嘉歎

謝開籠晉侯江南壽州人花隱軒集

白雲庵訪孤月上人

冬十月之望。雲氣亘遠岑。曠望原野間。悠然豁煩襟。襟寒水莽

明滅勝地隱。喬林籬徑紛。野菊雜以青松陰。講壇師下座。尚

餘鐘磬音清。規挂高壁達者悟。其淡我師生。公輩聽法有龍

吟。夙慕逃禪哲。况乃抽華簪。智清聞妙諦。因生不住心。

見其蕭涼

歲暮

遠岫列同雲。寒飈厚霜霰。漠漠原草枯。冉冉歲華宴。落葉歸

本根。遊子異鄉縣。脫簪閱兩歲。宦情絕歆羨。久客朋輩疎。旅

食鏡容變。豈不念吾廬。干戈尚滋蔓。遐思古賢哲。所歷多憂

患滌器賤長卿露肘貧原憲窮達信有命安能盡如願毛羽
倘可假曠望歸飛雁 筆力蒼厚 全乎少陵

夜聞行

我○我○礪○底○松○屈○曲○在○山○塢○青○青○枝○上○藤○蟠○崖○俯○清○渚○海○田○陵
谷○理○或○然○世○事○顛○倒○都○如○許○野○雀○啾○啾○飽○餘○粒○鴻○鴈○嗷○嗷○憂
稷○黍○粟○里○先○生○甌○生○塵○白○馬○小○兒○氣○如○虎○錦○繡○笙○竽○列○滿○堂
朝○剝○肥○牛○暮○烹○芹○君○不○見○昨○宵○風○巖○臆○紙○裂○做○衾○遮○苦○冷○如
鐵○夜○半○猶○聞○歌○未○歇 且須擊鉄如意以答之
世事盡然先生且奈之何詩特蒼悍

苦熱篇

蜀○山○巖○峩○灘○水○惡○山○澤○蒸○雲○雨○時○落○十○五○年○來○游○其○間○夏○夜
夜○涼○暑○力○薄○一○自○間○道○賦○歸○來○故○鄉○風○土○覺○非○昨○三○伏○景○長

光○赫○鬱○赤○雲○燒○空○金○石○鑠○今○年○之○熱○夏○毒○淫○昏○且○心○煩○無○住
著○我○疥○局○促○東○樓○下○日○斜○轉○見○炎○威○歔○曙○色○纒○動○已○如○蒸○几
席○燥○烈○難○久○凭○况○多○臭○蟲○蚊○與○蠅○穩○坐○安○眠○總○不○能○長○安○道
遠○無○由○購○寒○冰○安○得○風○亭○水○閣○時○一○登○獨○美○山○人○住○太○白○青
松○架○壑○泉○清○冽○枕○流○漱○石○逐○幽○禽○赤○脚○踏○殘○峰○頂○雪 前段是繪

火手矣一結頓覺層冰峩峩通體涼徹竊枝嘆并引

群鴉巢樹一巢之鴉偶出鄰鴉伺其未歸竊取其枝
管治已巢宋子西山見而嘆曰渾沌既死機智日生
人心不古久矣不圖禽鳥亦復如是感賦此章以當

太息云

烏鴉之性真叵測。竊取鄰巢枝作室。欺其不見恣劫奪。居然
白晝為盜賊。拮据營巢亦太苦。爾乃取之不費力。嗚呼羽毛
微物巧詐尚如此。孰謂人之生也直。
借鳥罵世竊
恐世人耳聾

太息吟

太息復太息。太息蟬蛸羽。生死朝暮間。衣裳空楚楚。太息復
太息。太息木槿花。秋風搖落後。爛熳委泥沙。自古富貴焉有
極。夢幻泡影疇能識。金張許史燈熄燭。五侯七貴雪消日。益
信多藏必厚亡。風雲變態真叵測。人生天地豈無死。丈夫之
死當死國。昨宵珍幣燦雲霞。今日棄擲向誰家。李斯空憐上
蔡犬。邵平自種東門瓜。君不見山農荷鋤老荒邨。爛煨新芋
燒蓬根。保世偏能長子孫。
身擁百萬而一錢。不以惠貧
交不知易。贊時胸中作何想。

秋夕旅懷

獨坐江天暮。秋風向晚清。蟲聲喧野樹。暝色暗山城。
抽白貧○此○考○此○快○活○受○用○
中得憂從靜裏生。南來征雁少。愁絕故鄉情。
○此○考○此○快○活○受○用○
全是老杜格
法此等詩由

沈酣
得來

題胡貞庵大叅草堂

遼海逢萌宅。花溪子美居。棲心遊物外。旭日愛東餘。駭浪魚
龍急。忘機鷗鷺舒。短牕堪雅奏。寧問亂離初。
○結○得○切○
風塵擾攘之
餘寫出心地

安閑固堪
與之學道

架菊

風雨重陽後。經營架菊初。芳標承露直。癯影倚欄疎。遠俗棲
方丈。懷歸識井閭。還將孤傲意。束縛且同居。
寫自寓意較
有情味他手

雕刻雖工
反失之

瓶梅

無可伴孤影寒梅借一枝香清心易淨
蕊冷蝶難期紙帳憐水骨磁瓶浸玉肌
琴聲幽院裏雅韻自相宜

字字雅潤

秋日俯江亭讌集

爽自高空下樽從北海開傷秋同作客
雅集共登臺絕巘孤亭出荒城
二水來尋幽興不淺歸路夕陽催

高視濶步大有振衣千仞

之

過輿壇庵

庵近社稷壇故名

南郊春縱目幽賞過禪林紅紫夾村路
溪雲岩野陰烏聲僧院閉松影砌苔淡
似得風雷護罽座未許侵

俱無凡色干題義復極周

過雷侯墓

欲訪仙遊道路賒偶過壠畔念瑤華
功名已上凌烟閣俠烈猶存博浪沙
久識韓侯空假印更悲蕭相苦營家
先生高蹈誰能及脫屣乘雲泛海槎

看子房有識

謁左元放先生祠

擲盃遺跡見高風紫閣陰陰鎖碧空
不共時賢爭智勇獨將游戲服奸雄
殘碑半沒兵戈後古殿猶存劫火中
旅食願言求秘術投竿隨處魏王宮

白燕

故壘重尋是也非一塵不染世應稀
簾閉自許和珠捲春冷

玲瓏縹緲

人○疑○帶○雪○歸○占○盡○梨○花○難○見○影○啄○殘○紅○雨○未○沾○衣○輕○羅○欲○製
淡○閨○裏○牕○外○遙○看○玉○剪○飛
詠物詩于豔情之中獨見
高雅當更推之日謝白燕

春日偶成

花○朝○已○過○寒○食○前○桃○花○爛○熲○草○芊○芊○滿○眼○顛○狂○春○無○賴○白○頭
野○老○人○獨○眠○竹○雞○聒○聒○破○歸○夢○柳○月○娟○娟○生○輕○烟○安○得○佳○人
調○錦○瑟○相○將○同○上○泛○湖○船

催菊

雨○中○蕭○索○獨○徘徊○九○日○看○花○花○未○開○已○挺○孤○標○堪○共○對○却○留
艷○色○待○誰○來○花○應○避○我○多○霜○鬢○我○欲○催○花○數○酒○杯○早○晚○西○風
便○相○妬○莫○教○空○負○舊○滋○培
骨蒼氣厚
空凡艷

觀架上鸚鵡白戕羽毛感賦

隴○水○秦○關○動○遠○思○逢○人○羞○說○羽○毛○奇○終○朝○繫○足○難○尋○伴○常○自
呼○名○敢○怨○誰○紅○嘴○啄○來○膚○剝○落○綠○衿○飄○去○影○迷○離○一○身○將○隱
文○焉○用○匿○跡○發○光○却○悔○遲
淡思
老識
此○生○無○復○望○高○飛○避○暑○園○亭○著○短○衣○架○上○金○繩○縛○太○急○隴○頭
芳○樹○願○多○違○毀○容○若○自○傷○搖○落○巧○舌○隨○人○講○是○非○只○為○坡○公
教○念○佛○頓○空○色○相○學○飯○依

感劉項遺事

逐○鹿○中○原○各○用○兵○昔○時○劉○項○苦○相○爭○漢○陵○楚○廟○今○塵○土○莫○為
烏○江○氣○不○平
為重腫
解嘲

露筋祠

露○筋○方○得○露○貞○心○遺○廟○猶○存○千○載○欽○阿○嫂○若○能○同○一○死○也○畱

芳躅到於今死字原人所難

千金亭

會聞宣子翳桑事再見淮陰一飯恩畱得千金亭子在世人

莫漫忽王孫畱心者幾人

喜得端硯

方正端凝好骨格潤而發墨硯之伯他時歸棹下荆門可當壓舟一片石

已丑余遊壽春觀長淮之蕩潏八公山之雄奇而識是中有異人顧忽忽別去迨其後謝晉侯先生闢墨出英偉縱宕讀之心目開張因歎曰硤石咄泉之靈秀當在于是然猶未見其詩與古文辭乙丑余來邗江復有名家詩觀三集之選適觀察崔公枉顧蕭寺曰晉侯方在署余急索其詩得惠教花隱軒一帙讀其詩既樸老如杉松復深邃若金石于時流奔趨之外另開心眼獨闢乾坤因登若下首以志企尚時覺桐柏之波聲叢桂之嵐岫隱隱几案間也

閔麟嗣賓運檀林江南揚州籍歙縣人南郭草堂詩

送友

饑鴻不能冥噉噉有哀音○所○以○行○路○之○難○不慮江湖淡江湖多風波繒繳復相侵豈不念萬里翱翔空至今棲棲返鄉國請為遊子吟達人貴知機用舍在所尋遠近理一致大道無升沈流水趨大壑白雲歸舊林去矣勿復慮聊用慰我心○結○

貴蘊 旨淡

樸士遺蠟梅花一株植之草堂賦謝

貧居罕人事身病寡所營無錢買花栽兀坐唯空庭歲暮眾草歇冬暖天宇晴廣陵鬻花市蠟梅羅芳馨昨遊與共適屢看心獨傾感子購佳種手植當軒楹頓增草堂色宛如階下

生香風習習至索句巡簷行誰能鑒微尚相念歲寒貞定本

固是韻人詩高潔如其樹

送王州伯遠任歷陽

聞說羈縻俗花蠻少業農唐初分郡縣漢已入提封兩任傳起得得聲

名宦羅文恭公父爵曾兩任此州弘治十年生文頻年罷夕恭于任所葉臺山相國父朝榮亦官于此

烽文翁如有意行矣莫從容帶訓勉意勉

王程將化外五馬有勞臣鄰境丹砂窟天涯毒草春文身來帶訓勉意勉

洞主椎髻拜州民只飲麗江水炎荒亦易馴送行詩既詳其土俗復勉

其官守所以可傳不僅詞章之瑰麗

送曹秋嶽先生從征八閩

入蜀回征馬先是有蜀中之命揚鑣閩嶠遙暮雲京峴路寒雪浙江

潮虎豹關仍扼貔貅氣不驕諷時天南橫戰骨觸目感蕭蕭老杜壯句

北關征書下南荒羽檄飛江山新戰血戎馬舊儒衣陣氣城英犖而多姿

雲黑笳聲旅鴈稀行行過倦圃揮手謝松扉豪達而有識

固非時流可擬

送江辰六之任益陽

載鶴濱江去扁舟過洞庭地經百戰苦山接九嶷青徵士宜

天祿辰六會舉博學鴻儒殘黎望歲星莫生卑溼憾遷擢自朝廷

思路危苦

同諸公汎舟登平山堂次黃瀛山編修韻

相邀爲野汎雨喜不終朝水鳥輕於葉村烟白過橋典亡隋好句

苑柳哀怨玉人簫競選鷺花勝幽尋讓短橈

寄題卓入齋先生傳經堂先生為左車先生之父珂月先生之王父三世傳經四方

仰止今火傳次厚父子能世其家學

文章歆父子經術漢西東只此紛綸譽誰家指授同數椽存後三世閉門中餘韻猶衣被淵源獨不窮
典穆可誦

立秋日同人遊上方寺訪指薪和上分賦新句

尋秋來野刹弔古問離宮令節名山度涼風好友同午鐘初出寺一葉早辭桐玉局殘碑下新詩贈已公

中秋雨夜集雙清軒

草堂雞黍約本與月明期忽見簷花落翻嫌濕雪奇齋內假山雨中

飛泉極奇新知今夜榻謂徐臞菴舊雨故人思莫負燈前侶停杯一賦

蕭蕭瑟瑟固令人遠

詩

宿焦山雲聲庵

客到雙峰下僧閒欲與分壁高搖海影石亂剝雷文天少林

中月江疑樹外雲夜濤催曉夢竹露滴紛紛

送汪舟次太史充琉球册立正使二首

鯨波初靜百蠻開貢雉風颿截海來願乞桐封榮絕島因持

龍節下蓬萊將窮湯谷扶桑路老筆特簡張騫陸賈才遙望彭

湖千萬里天恩先及越王臺

星槎直欲犯銀河太史浮湘尚未過天下大觀從此止人生

異數獨君多舟次以學博改授簡討故事封琉球率渾疑道

路通圓嶠自有魚龍護孽窠御書中山世土十八學人苗裔

在析圭煩問近如何前洪武時常遣十八人入太學還他大雅

遠勝
雕刻

贈僧會晤於匡山鉢孟峰今卓錫邢江相距二十載矣

憶昔雲屏看瀑回又扶危草上崔嵬六朝僧指安禪處五老
峰為說法臺石火乍驚青鬢改溪風重見白蓮開虛堂聽徹
殘鐘後覺路疑從鳥道來

古重陽城南城臺集飲分江字

廣陵城隅足勝覽登臺載酒綠盈缸乍晴秋山暮轉碧隔岸
寺鐘時一撞兩度酣觴唯數子百年作客常邢江天風吹衣
木葉下懷古賦詩情未降古鬱不讓空同

有客見過南郭草堂次韵奉答

門巷丹楓過客稀寒塘秋水綠苔磯舊橋明月居初卜故國

○是情○詩○
青山人未歸抱病忽驚花事老養生新種藥苗肥多君寂寞
能相顧卒歲還同賦采薇

過建隆寺訪遠峰和上

郭外招提舊已摧入門全見荳花開百羊市上聞鐘後好鳥
枝頭報客來○足○晴○遠○公○定力恐饑存廢寺安禪有母咏南陔師奉八十老母悅公

走筆乞吳符五竹

數間容膝讀書堂壁有青琴几有香白日柴荆無鳥雀清風
枕簟自翫皇常看掃地花畱影獨少抽梢竹過墻安得脩織
分種好時聽山響坐虛廊

焦山看新綠同徐臞菴江清且金漢白訪古音上人

遇共用幽字

江上烟波杜若洲。重來島嶼綠陰稠。○是子幽○筆○與○林深黃鳥啼不見。春老碧桃花自幽。短策全因山翠溼。孤帆暫為月明留。夜潮延佇僧歸寺。與訂松寥物外遊。

送質庵弟之任尤溪

尤溪溪水正盈盈。百里鮮初試小烹地。是新安先哲治歲當。

庚戌大儒生。孔子庚戌生朱靖獻公尉尤溪以建炎起家

花縣須繩祖。便道蘭陰一省兄。其從兄書巖彩鷁橫江聯惜

別閩山深動武夷情。語語有考據字字有着落非泛泛折柳之詞

送汪栗亭歸里

歲當甲子 狩初冬 今上邗江 駐六龍賦進 東巡臣

草莽詩因 御試士遭逢歸路一千餘。水陸還山三十二。美

蓉天邊應待 徵書到只恐京塵入竹松。孟浩然以吟不才明主棄之詩

遂為明皇所擯今扶晨平山應制之篇遽蒙上獎其彈冠當自有日賓連此作極其周到

題寄雲樓奉輓施愚山侍讀

敬亭南望白雲霏。寂寞空天樹影微。墓上酒香多宿草。樓中

人去自斜暉。書藏故國名山富。師得盱江絕學依。檻外雙溪

流不息。魂兮何日復來歸。妙于樓上着想便不是尋常哀些

紅橋汎舟遇雨

邗水乍高三尺強。輕鷗浴鷺滿迴塘。孤舟獨傍西隄泊。消受

荷風幾陣香。

花外朱樓柳外船。遊人鱗集候三絃。歸途欲向關南去。莫測

陰晴五月天

織麗之章
獨存大雅

玉勾斜

漆燈一點恨悠悠。誰道君恩死後留。歲久墓門人不識。春耕

常得玉搔頭。

帝王將相陵墓
荒唐豈惟官妾

法雲寺樹下

法雲僧以鴨脚為古檜。蕃釐觀道士以八仙花為瓊花。殊可一笑。

雙檜名因太傅傳。誰栽銀杏佛堂前。維揚古蹟還多贗。錯認

瓊花是八仙。

別想
高識

次閨秀楊李雨中泛舟之作

荷繞隋堤柳繞園。凌波鳥浴故相喧。多情賴此催詩雨。遙想

含毫蘸酒尊。

寫出閨
中韻致

賓連論詩最嚴而已。所撰著亦一字不肯苟下。諸作既高嚴而華秀復蒼樸而清真。蓋伐毛洗髓之後者。

吳

嶽

符五湖廣江夏人
淳發堂詩稿

菴中夜坐

苔淡夕照陰。桐老夜牕明。風急鳥爭樹。月涼猿共聲。孤燈寒

四壁。殘葉打空楹。愁聽西林雁。霜高歷歷鳴。

冬夜村居

閒屨空林晚。蕭蕭古木斜。潮寒遲到郭。霜白早平沙。野火明

孤雁村春答暮鴉。北風纔幾夕。處處老蒹葭。

撫讀令
人蕭然

過鶴林僧舍

牢落僧居久。香臺盡日寒。客來雙樹晚。月過一鐘殘。饑鼠荒

廚鬪昏鴉。古渡繁不妨。冠蓋地。跌坐此空觀。

大有
道眼

虎丘寺

郭外逢初地幽棲足絕塵石留雙樹法草抱六朝春池黑龍
應在丘荒虎未真堪憐歌吹夜豈是講臺因
可知羅綺笙歌原是名山

之厄高人于此悟得

初夏過南湖田家

曉出林塘潤為農野興偏輕陰護麥日小雨損蔬天谷口慚

真隱村名却集賢地有集賢村傳懷思平子賦灌溉足流連

冬日叢碧山莊漫興

柴門三徑靜掩卷復行吟暮景畦蔬暗窮陰院竹深池寒空

雁影桐老識琴心好月無人共蘭尊且自斟幽涼得世外趣

汪彞仲同年來自邊城晤于叢碧山莊似孟襄陽

匹馬薊門道風塵祇自知路歸寒雁外鬢改故園時倚劍心

猶壯街杯興不遲連宵渾不寐白露草堂滋

黃鶴樓

乘風無處招黃鶴高閣騫雲枕浩流鐵笛聲寒今夜月銅駝

夢冷舊宮秋帆歸落日分吳楚杯吸青霞入斗牛欲弔正平

千古恨年年芳草幾沉浮黃鶴樓是楚王舊宮成之故宜有銅駝之句

禮白嶽

層折千巖試陟梯清虛仙瑣許扳躋闕開北極群阜小人到

天門萬象低元液滴寒珠洞底丹砂氣煖玉屏西老龍蟠黑

深潭曲一噴雲烟咫尺迷極巍峩森鬱之勢固與遊黃山詩迥別

哭荊州胡王栗年兄

握手金門惜路岐衡陽有雁闕書遺祇疑宋玉秋多感詎意

休、文、病、不、支、松、下、劍、寒、雷、墓、日、梁、間、月、冷、夢、君、時、心、期、幾、許、
悲、搖、落、空、賦、招、魂、繼、楚、詞、
已未晤玉栗于京師時已抱恙不知何時竟赴玉樓之召也為

之歎

和汪彞仲鄭有章二年兄初春登黃鶴樓紀遊原韻

高閣涵虛曉色開登臨選勝隔江來檻移雲影疑歸鶴笛引
春風早放梅白雪君裁新郢曲綠楊我夢舊章臺仙舟未附
深惆悵重訂南樓待月回
温潤如玉

螢苑

風來水殿秋宵迥勅散山螢數斛飛幽事羞傳官燭艷繁華
翻賤夜珠輝花間借焰隨歌遠輦底承恩傷草微不必隋宮
零落盡野燐烽火已依稀
前言其盛一結寫其衰涼有數層意

登平山堂

郭外虛堂對翠屏嵐光到酒醉還醒地連海甸原稱傑草發
隋隄分外青風雨坐來深北固烟花望去隔西泠文章太守
今何在曾說勾畱在此亭
結得婉約可思

弔瓊花

禁苑初回幾度開名花劫火共成灰香銷南國鶯空老春到
荒臺蝶尚猜玉女娉娉貽紫佩騷人延佇撫蒼苔無雙自足
傾千古消得當年翠輦來
妙有神典

訪二十四橋

當年小杜揚州夢十里春風已寂寥好句難忘明月夜幽懷
偏憶玉人簫鶯花天遣成南國歌舞人徒怨六朝二十四橋

何處是竹西燈火亂漁樵

新思名論
搖管而出

禪智寺

杉檜森森紺宇幽竹西路杳野泉流寒生古壁龍蛇夜雨過
荒臺鳥鼠秋僧定月高松子落客歸衣冷石花浮新詩讀罷
空惆悵得鐵壑上人新句何日能從惠遠遊

九峰懷古

為訪愚公隱時移可奈何流連行輦處寂寞夜燐多苔色連
淡雨藤絲引斷柯殘碑捫字讀絕磴引猿過疑有山魃出愁
聽野狄歌老僧能話舊松韻晚鐘和

寫其蕭涼
至不可讀
閔子賓連風稱吳子符五之詩和雅秀健得詩家之正派
及符五以近稿見示果然夫黃海奇變邗江雅麗晴川黃
鴻之高雄採其勝槩彙
而為詩自足高視藝苑

汪文雄夔仲湖廣保康人
月江樓詩草

燕京歸興

不再勞車馬扁舟即是家風沙依水淨花鳥入春賒暫臥灘
頭月閒看江上霞五湖原有路漁釣亦生涯結得
欲焚游俠傳空羨五陵豪日月荒三徑風霜逼二毛隱當知
老拙禪不為名高燕市謝知己歸山匣寶刀氣雄詞傑有
幽燕老將之

借吳符五同年舟次淮上

水曲舟行緩雄心復晏眠春林隨路濶明月到家圓雲釀催
詩雨潮生欲暮天遠村無限畫載入米家船將次還家詩
固有容與澹

宕之
趣

赤壁

名○山○環○郭○俯○蛟○宮○斷○石○磷○磷○半○壁○空○詞○賦○兩○篇○前○宋○著○舳○艫○
千○里○一○時○雄○何○年○樵○徑○烽○全○息○此○日○漁○舟○火○自○紅○携○酒○登○高○
憑○弔○處○石○林○明○月○靜○東○風○
起得雄岸不讓虎豹
虬龍之句餘俱穩愜
王廷璧 崑良蒼嵐河南祥符人

渡淖沱

馬○頭○殘○夢○醉○偏○多○汀○葦○蒼○茫○冷○夜○蓑○畫○裏○瀟○湘○全○在○眼○滿○天○
秋○雨○渡○淖○沱○
蕭閒
冷雋

河干晚宿太平寺

遠○岸○漁○家○盡○捲○簷○大○梁○回○首○暮○烟○凝○誰○憐○野○店○淒○涼○客○一○卷○
南○華○伴○夜○燈○
蕭然
固別

方

淳

樸士江南歙縣人
環翠軒詩

舟中寄別

○光○景○可○愛○柿○葉○徧○秋○紅○猿○聲○兩○岸○風○一○江○烟○霧○裏○細○雨○布○帆○中○行○李○蕭○
條○去○家○鄉○夢○寐○通○可○憐○征○客○淚○不○盡○對○歸○鴻○
前四句如畫
讀之神往

小重陽集登平山堂

人○物○異○今○古○聊○欣○居○士○堂○茱○萸○須○盡○醉○髭○髻○早○微○霜○淺○水○明○
砂○岸○荒○亭○覆○石○林○暮○秋○何○處○是○蘆○荻○在○滄○浪○
結得老
蕭疎
絕俗

柳葉

柳○葉○天○然○妙○蛾○眉○細○影○清○在○枝○含○月○色○近○水○引○風○情○淚○滿○陽○
關○路○愁○添○朔○管○聲○故○園○如○未○落○會○向○舞○秋○晴○
獨見
大雅

酬汪扶晨謝菊

五美君同潔虛牕好傍檐半衾閒夢去一卷古香添雅趣惟
須茗秋光自到簾錦箋何幸得不復少幽恬
不沾沾言菊而句句得菊之神

之神

登蓮華峰

虛然畱跡插天深翠壁丹崖玉女心明月不高樵子髻松風
常近羽人襟三千世界方成畫五百年間定產金十丈蓮華

何處似惟餘大舉共崎嶇

氣象巍峩出以圓秀故稱合度

棠園古山茶

荒莊莊上暮春天土屋孤亭叫杜鵑老樹化成霞一頃丹砂
畱得鶴千年黃庭紫府真相憶綠鬢紅顏亦可憐如此滄桑
終不變香風歲歲向人妍
麗服翩躚自有僊度

菊夜偕弟姪集飲有懷

座上香來菊滿枝弟兄叔姪客中時路難多歎傷心易夜好
頻斟話事遲月影既高添潦倒蟲聲漸近起相思而今惟有
消愁法一院秋光數首詩
直敘自老
細膩風光
委婉纏綿殊多情致情事幽細妙能諧聲故不流入寒河派

平山堂春遊

塔影城陰未易描閒將無事問虹橋鳥啼山轉人都集花好
溪淡櫂慢搖鸚鵡杯傳渾是醉竹枝詞唱自然嬌漁翁莫迂
桃源去艷色晴光盡細腰
秀倩
艷不入俗幽不落僻所謂修短合度者歟

閒居秋雨

細雨微雲秋不多閒居且喜對青蘿十年短夢垂黃髮百歲
虛舟起白波回首箇中悲劒戟寬心時候愛烟蓑兒童休笑

江南叟日日牆頭喚酒過

幽心樂意
大可領味

再過西湖

兩袖晴風紀再遊衷情湖水漫悠悠容顏不就荷花好行色
能添楊柳幽隄過六橋蘇小墓香焚三竺大悲樓葡萄十斛
堪留醉雖自慙慙未罷愁

別調殊情固
非尋常筆墨

尋木蘭亭已廢有感

舊事淒涼淚眼懸木蘭亭有夜啼鵲至今水調空蕭颯別樣
新聲又少年

寫意都在言外余過琵琶亭有句云今日善
才風調盡蝦蟆陵下總新人正與樸士同一

慨感

東都送畢子武箴之全椒

寂寞黃花一送君青霜紅葉鴈聲聞明朝又過真州道此夜

相思夢裏分

委婉入情正
是唐人佳境

廣陵竹枝詞

幾回低首斷人腸船上分明看見郎郎若唱歌不敢和虹橋

楊柳撲衣裳

有意無意
寫情最淡

郎騎駿馬竹西前妾捲珠簾花月妍春色入來儂不許邗關

昨夜未成眠

其故難解
其妙愈極

樸士愛古嗜潔所居斗室自書冊彝鼎茗香琴硯之外未
嘗移懷每至佳辰令節素友相過觴酌數行繼以刻燭蓋
一代之韻人吾黨之高士也為詩率胸而吟類皆獨造清
微靈迴讀之輒令人作數日思至其按絃入拍又使極意
揣摩家所不能及故樸士詩當于
筆墨無痕處另有賞會未可草草
顧彩天石江南無錫人

慕方樸士先生有年乙丑夏始獲晤於邗上率賦短章

奉贈

邗上誰風雅先生著述多逸情娛桂栢高義滿山河青眼邀
知己瑤箋寫浩歌相逢欽古貌納履意如何

憶誦清新句人間片吉光陰何難角勝李杜直登堂落筆疑
濤勢論時起劍鉞還同醉官閣賓主幸相忘

述事陳詞
全乎雅則

鄧漢儀

次顧天石韻東方樸士二首

莫怪邗溝里高門氣象多金貲原溢路議論儘懸河不分
青衫客來為白石歌幸逢叢桂侶握手訂羊何

尊君名夙盛宗鄭藉輝光修遠先生于勝國時至邗
上開先超宗輩禮遇最盛贈縞
青雲路調絲白壁堂而今畱哲裔差不損鋒鉞僅對詩翁
語開元事已忘

王嗣槐 仲昭浙江仁和人

浣花谿

苧蘿山下水涓涓越女西村劇可憐柳絮吹殘南浦夢鷓鴣
啼盡夕陽天已知娃館秋風恨何處扁舟明月還滿樹桃花
溪口發空畱春思自年年情思
蕩漾

題趙州石橋

聞道乘鱸去空畱跡在橋僊源何處是此路到中條

百舌

百舌一小鳥交交樹上鳴可憐四月暮猶自帶春聲

老杜
則云

過時如發口
君側有護人

代姬人答問病

小園幾樹好花殘。奄忽三春。腰帶寬傳語。休尋靈海藥。那聞消恨有僊丹。別有靈丹

俞 瑒 犀月江南長洲人

初夏過東禪寺晚憩石橋

高林漾清漪。上下通一碧。城隅喜幽遠。似與塵市隔。古寺臺殿傾。苔階少行跡。疎花媚芳姿。好鳥窺樹隙。相携縱閑步。幽意殊自適。同此囂塵中。如何異喧寂。悠然靜穆

春晚懷碧巢在鹽官篋谿在鄞城

春烟渺渺憶佳遊。望遠懷人獨倚樓。山郭雨痕街日脚。海塘風色射潮頭。魚來石首冰盤供。茗摘雲芽箬裹收。兩處鶯花總相似。詩情那不為勾留。淹潤而結構最密

黃 瀚 以容勺泉江南歙縣人

咏史

舉世交態薄。重色輕其仁。昔見平原君。歸臥三十春。責我何疎濶。請君莫我嗔。不敢入君門。君有笑蹙人。自處不苟
我愛延陵子。能將義讓敦。如何慕子臧。篡逆出其門。觀風知列國。不能裕後昆。吁嗟尋丈光。難免尺寸昏。責季札得春秋之指

難中寫懷

謫戍從王事。狂歌思不禁。山踰燕代遠。水度薊遼深。出塞諳邊事。屯田見古心。名言趙充國。湮沒到如今。具有經世之畧
役役歲華暮。悠悠心事違。行穿東郭履。淚溼楚臣衣。薊野雲初霽。燕山人到稀。長纓如可請。願係粵王歸。

行邁三秋至長城望轉迷衣沾霜葦凍馬度石梁嘶澗冷魚
跳藻山深鹿引麋沉憂不可道惆悵欲鷄棲

曲岸風濤壯帆收艇更移寒霜初落木野水忽流漸生世行
多難還家未有期百憂惟日積華髮暗中衰
樸老中帶有
雄壯之氣

發金臺

發軔金臺路依依度薊城風鳴弓力勁霜拂劒花明點點拋
家淚遲遲去國情酒酣還起舞腸斷夜鷄聲
○雄○整○ ○撫○靜○情○動○ ○豪情爽氣
具見行間

喜峰口

聞道喜峰口麾兵早禦防隻輪休使返萬里盡歸王漢月臨
關靜胡雲出塞長烽烟無警報天子日垂裳
少陵秦州
諸作之遺

長城有感

遼陽古戍遠戀國去遲遲憑軾心先動臨關路不岐嶺猿吟
○光○鉉○射○人○ ○卓犖
不群

漢月邊馬識秦碑身世皆王事何須怨別離

六十初度寓蕭湖寫懷

年年逢誕日此日獨沾襟自信貧非病那知老見侵寒風吹

短鬢旭日照高林莫贈秦人策還同越客吟

世路誰青眼流年嘆白駒交游思故舊春事憶膏腴客鬢愁

添雪家園想半蕪鄰翁攜酒至泥飲復頻沽

歸故園途次作

艱難經世故流落已多年親舍飛雲外鄉心歸鳥前頻歌酬
別酒長嘯寄空絃莫道歸無計青氈老鄭虔

山海關

由來山海拱皇都。一將臨關懾萬夫。山起莽雲臨要地。海翻層浪壯雄圖。休同定遠思離塞。忽訝終軍妄棄繻。悵望昔賢吾豈敢也。須談笑起泥途。
有投筆請纓之氣

金陵懷古

石城東下大江橫。觸浪魚龍似戰爭。三國英雄那對眼。六朝舊事不勝情。投鞭莫遂圖南志。沉鎖安能阻北兵。千古興亡歸逝水。空餘明月棹歌聲。
古意新聲一讀一擊節

途中值雪和彭賓雲

二月一日朔風惡。滿空雪霰苦生寒。敝裘羸馬村中去。壁樹瓊枝畫裏看。萬木棲禽皆遁跡。一簑漁父尚垂竿。探囊金錯須、
筆力甚悍

蕪城懷古

隋家宮闕倚南津。萬里龍舟何處巡。廿四朱橋虛夜月。三千粉黛委香塵。春來滿目花如剪。事去千年迹尚陳。惆悵高樓笙鼓沸。風光依舊解迷人。
胸有卓見

維揚舟遊

邗江水色碧氤氳。畫舸徐牽錦纜新。御苑芳菲猶似織。迷樓歌吹不勝春。沙平瓜渚龍爭曝。日煖蕪城鶴自馴。攜手幸逢佳麗地。不妨蘭棹醉遊頻。
舉筆便自拈珠散彩

黃朝美

蓋臣清持江南歙縣人 奉石居詩集

芙蓉莊秋集同丁漢公仙裳弟及諸子姪

秋發南園興扶攜。慰我心遠山自浮。翠水氣動林陰汀。蘭與

岸芷物外愜幽尋。觴詠彷彿蘭亭琴。酒擬竹林道同理。無隔境
閒情自淡翹。首濔次天哀鴻鳴。遠音百年須臾事。為樂宜及
今。澄華映發有似康樂。

懷老友幽居

少小肆游從。年鬢各已侵。故舊多乖離。幽居誰窺臨。允矣金
石交。不隔歲寒心。未貫黃公酒。徒有嵇生琴。陋室餘簞瓢。清
言羅古今。士貧亦其常。歎仄覩冲襟。時雨草木奮。好鳥成歌
吟。絕愛屋東頭。葵榴鬱濃陰。再至眠匡牀。瑤華當嗣音。

道。上風義淳古沈酣。選家乃有此茂製。

登雨花臺秋望

時甲申避亂南渡

龍蟠虎踞帝王都。三國六朝爭雄圖。我上高岡望城闕。後聳

宮殿前浮屠。浮屠之高幾百丈。上與浮雲同混濛。報恩寺接
雨花山風景晴陰非一狀。秋冬之際難為懷。舊日新亭安在
哉。江東彝吾不可見。謝相圍棋那復來。今人即踐古人地。古
人不與今人異。安危全是仗人才。世運如何有興隆。長江浩
浩淮湯湯。鍾山紫氣迎朝陽。木末亭邊木葉脫。青松紅葉滿
山岡。又值車書親王會。貂蟬許史共金張。指日太平如有象
不應門戶爭鈎黨。誰云南渡尚浮華。江左規模繫遐想。

典懷古今如接而筆情尤為蕭朗

寄西山隱者

高人羈水國。葭茨祇逃茫。時序怵中去。相思別後長。月光鄰
巷好。秋色故園荒。還訂高陽侶。當來醉菊觴。

杜于皇過軻雲堂同仙裳弟及諸子限韻

詩史咸推杜遺時今更難草堂何處所傲骨只高寒肯在蓬

蒿駕聊陳首借盤小臺疎雨外梅色盡情看

客路誰知已頻來即故人清言原自遠交道貴能真噪樹鴉

催暮垂簷柳報春得從文酒會何處有風塵

雪晴喜杜茶邨枉顧

雪霽開蓬戶高人訪舊情去鄉添老病就日愛冬晴雁陣衝

寒浦梅花發故城賡酬存古誼當不惜逢迎

飯跡便掃求其數去酒杯寬惟奉石老人矣故數詩賡酬極有至性

秦淮秋泛

秦淮舊事已紛紜畫舫重遊集水濱紅袖尚從高閣見清歌

偏使白頭聞青溪小路閒秋草桃葉長橋倚夕曛莫便燈船

喧鼓吹江東門外又移軍

結入時事想見右軍懷抱非祇曠達

初夏吳在明招同叔亮三弟及諸子紅橋泛水

纔送春歸是昨朝故人相約看新潮綠楊堤外嘶金勒朱檻

橋邊弄玉簫遠近酒帘臨水颯參差蘭槳倚花搖揚州行樂

傾城出誰念宣房瓠子謠

淹雅芳蕩結處大有關係

亂後舟宿燕子磯

金陵地脉壯雄威鐵鎖牽廻燕子磯千古興亡隨逝水六朝

宮闕付斜暉山邊僧寺依然盛渡口漁家一半非漸見客帆

樓泊滿成樓哀角夜吹稀

于亂後上着想固自神情飛動

杜于皇過軻雲堂同仙裳弟及諸子限韻
全○首○老○健○詩史咸推杜遭時今更難草堂何處所做骨只高寒肯枉蓬

蒿駕聊陳首宿盤小臺疎雨外梅色盡情看
極○中○情○事○

客路誰知已頻來即故人清言原自遠交道貴能真噪樹鴉
是○老○人○語○

催暮垂簷柳報春得從文酒會何處有風塵
是○老○人○語○

雪晴喜杜茶邨枉顧

雪霽開蓬戶高人訪舊情去鄉添老病就日愛冬晴雁陣衝
是○老○人○語○

寒浦梅花發故城賡酬存古誼當不惜逢迎
茶村在維揚交游雖盛然

飯跡便掃求其數去酒杯寬惟奉石老人矣故數詩賡酬極有至性

秦淮秋泛

秦淮舊事已紛紛畫舫重遊集水濱紅袖尚從高閣見清歌
依○稀○縹○緲○今○人○情○

偏使白頭聞青溪小路閒秋草桃葉長橋倚夕曛莫便燈船
結入時事想見右軍懷抱非祇曠達

喧鼓吹江東門外又移軍

初夏吳在明招同叔亮三弟及諸子紅橋泛水

纔送春歸是昨朝故人相約看新潮綠楊堤外嘶金勒朱檻

橋邊弄玉簫遠近酒帘臨水颺參差蘭槳倚花搖揚州行樂
淹雅芳藉結處大有關係

傾城出誰念宣房瓠子謠

亂後舟宿燕子磯

金陵地脉壯雄威鐵鎖牽迴燕子磯千古興亡隨逝水六朝

宮闕付斜暉山邊僧寺依然盛渡口漁家一半非漸見客帆
于亂後上着想固自神情飛動

樓泊滿戍樓哀角夜吹稀

同李笠翁登廣陵城樓

○額○起○高○勝○
憶昔竹西歌吹處。○煙花非復古。○揚州多年戰地。○生春草。○當日
迷樓剩土。○丘月色猶留。○隋苑夕濤聲不異。○曲江秋往來。○南北
人空老。○莫惜清樽對白頭。
妙能一氣呼應其憑
吊哀涼不減庾鮑

○蘇○落○都○無○俗○懷○
全謝社前一日集飲

佳辰况是得閒身。○老至惟應酒盞親。○南郭園林三徑啓。○仲春
天氣百花新。○畫梁此際來玄燕。○幽鼓明朝賽穀神。○轉眼風光
修禊會。○卻憐去日似磁輪。
景事佳興趣洽故
筆墨自爾和柔

登海州青峰頂

白頭遊覽愧龍鍾。○登眺年來興轉濃。○怪石峻嶒通碧落。○寒潮
日夜抱孤峰。○故鄉迢遞空多夢。○逆旅蕭條已入冬。○最是平生
觀海願。○滄波到眼一扶筇。
渾濶之中妙兼情緒
固有成連刺船之風

湯州感述

當年場帝愛瓊花。○翠輦龍舟到水涯。○邗上迷樓藏粉黛。○咸陽
春殿鎖烟霞。○玉簫橋畔銀蟾碧。○錦纜隄邊御柳斜。○可惜故宮
荒蔓裏。○如今飛燕向誰家。
○兩○語○憑○吊○關○鎖○全○篇○
用隋史事而風流跌宕固
有許丁卯杜書記之遺

登鳳凰臺弔李太白

夜郎經過屢徘徊。○手撥浮雲上此臺。○芳草若含吳國恨。○故宮
猶憶晉人哀。○斜陽風景還孤往。○才子精靈豈再來。○回首六朝
佳麗地。○至今何事不成灰。
○推○開○愈○妙○
不用填積而行以疎宕
之致其情味正耐人思

題查二瞻畫

夙有烟波興。○無勞更買山。○紅塵隨地足。○只是釣船閒。
有味

山中即事

空山悅幽獨坐臥白雲隈正有牀頭酒故人何處來定本然悠

重過靈谷寺探梅

野寺幽清傍孝陵曩遊回首不勝情年年二月花如雪多少

提壺出舊京有情有景

桃葉渡

六朝何事不縈懷桃葉風流事更佳畫舫朱樓都異昔只畱

花月照秦淮歌短情長

莫愁湖

莫醉江東舊酒樓湖邊衰草盡成秋佳人薄命愁多少何事

當年喚莫愁借莫愁翻弄無限情致

疎唐黃氏為新安右族勺泉先生負奇才異行曾與友共事友被讐陷當戍邊先生慨然代之遂遨遊燕代齊趙之

墟所過山川城郭指畫多勝算為詩磊落有氣想其人當在馬文淵班定遠之間而時不能用聞孫清持翁僅拾其幾章零句以傳可歎也清持翁雖居闕而愛靜讀書晚年學道參禪有蕭然物外意教諸子以文武成大名喜為詩清秀閑遠年雖七十餘而詞鍊氣足正使少俊家有所不能及杜茶村魏叔子為序而行之丙寅余客邗樓居岑寂因選其詩與勺泉公並垂

來集之元成浙江蕭山人

皖城春望舊作

寇壘盤巢舊兵營天柱高郊原聞夜哭攘掠盡秋毫戰骨聚新土樓烏散古壕春風無棟擇敗屋吐櫻桃先生目擊寇禍可為紀實

李敬聖一江南江寧人

牛首

雙峰矗相向翠色掃晴空拾磴趨山鬼開軒落海虹題名東奇處在虛字

烹鯉當歡與孽螫休徵有至性終佩呂虔刀
兩詩不動聲色而神情自

遠此先輩異人處

觀梅壑畫風木圖賦贈汪右湘

懷來橘柚復誰將。技血苦廬百事荒。只念支牀容鶴弔。可憐負土見烏傷。標來古跡情如見。憶爾風林夢不忘。千載上人呼欲起。應緣圖繪出長康。
詞旨淳切不同浮響

巖夫先生真情古貌遠近共推而賓連右湘兩君子尤稱譽不置詩特森秀堅奧冰霜在指無一字猶人何時于湖一為訪晤

汪 社 膺繁退齋江南歛縣人
用餘堂稿

乙丑初秋寄懷禮常族叔粵東

翩翩海上鳧矯矯雲間鶴行止一以分形影雙寂莫魂夢隔

山川離思滿潭壑羊城瘴厲多五嶺風煙惡何不賦歸來孤

懷徒落落
筆鋒橫肆一掃卑靡之氣

靜夜歛微雲團團出明月遙遙數千里清光照城闕登樓一

以眺遠樹影如髮不見同心人涼颼為誰發
字字逼古

孤雲出山中隨風自舒卷行子之嶺嶠經年不顧反瞻兔屢

以缺明月倏以滿金風鳴素條悲聲起原坂君其保金石無

為恨偃蹇
有十九首之風

石城懷古

江左風流說六朝雨餘芳草玉驄驕王家子弟烏衣巷晉代

勳名朱雀橋城下夕陽催畫角夜深孤月照迴潮舊時文物

依稀盡愁聽雙鬢理洞簫
淹潤無匹

建業城高舊帝家。淒清玉樹後庭花。不知門外韓擒虎。尚擁
○千○秋○樹○鑑○
官中張麗華。結綺閣邊還度曲。望仙樓下已聞笳。繁華一夢
○結○句○高○老○
烏啼醒江畔。秋風老荻葭。
○寫昏庸之主
可謂神似

謁方正學先生墓

離離荒草泣青燐。正學墳前氣尚新。十族就誅爭一字。千秋
○○貨○錄○
名義屬孤臣。野人還解供蘋蘩。遺塚何須卧石麟。忽憶西山
○結○到○建○
○文○方○是○水○首○
埋老佛。淒涼杜宇不勝春。
○正學死忠百折不
阿此作允稱詩史

登長干塔

塔勢峻嶒插碧空。衣裾颯颯只天風。兩河簫鼓新愁外。六代
○古○向○湖○
煙花舊夢中。雲氣遙連沙岸白。夕陽低俯獵山紅。登臨自昔
○頭○聯○聲○景○入○微○
多惆悵。又聽秋聲到塞鴻。
○憑高弔古
一往情深

護花

道是恁憂碧草饒。单衫初試落花朝。古來多少長門怨。縱帶
○千○古○同○恨○
宜男也不消。
○翻得
絕妙

冬青

六陵遺事不勝情。白塔如今長杜蘅。惟有萬年枝上月。花開
○意○在○言○外○
時節子規聲。
○詠冬青却
有滄桑之感

汪子膺繁為右湘小阮年少負異才詩亦古宕雅秀不幸
蚤世右淵與吳子雲逸搜其遺集郵致選梓而予友閔子
檀林書來促
之足徵盛事

陸鴻 仲羽江南典化人

拱極臺卽事

日莫攀高閣。長空衆鳥飛。江村明遠火山郭。映斜暉。風靜魚
○遠○景○如○畫○

波細煙深鷺影微。徘徊新月上柳下。放舟歸。

定本
清空如一泓
秋水足見家

李淵源

老將行

山邊日落戰初休。手握金刀血尚浮。頭白沙場思報主。將軍原不為封侯。

雄健
有氣

陸子元圃以古文詞名淮南惜其年命之早殞有子清朗翩翩絕俗而更能詩可謂元圃不死

汪允讓

禮常江南歙縣人

送兄遂臣之粵西

一氣轉宕

天涯悲客路。此別即經年。况值三春暮。何堪萬里船。行囊餘卷帙。眺望各山川。瘴癘須珍重。相思雲樹邊。

筆最
疎爽

秋夜吳方來。使君席送吳。芳楠明府出。領同黃渭北。諸

分韻

對起佳
金風無木落。玉露有人歸。月影當軒靜。燈光到眼微。筵開同玳瑁。題就盡珠璣。客路頻揮手。憐予獨掩扉。

詩貴起結合
沈讀此彌歎

其

放舟

工於發端
河畔微風發。鷄鳴便放舟。一帆明月夜。兩岸藕花秋。不作江城客。誰知水國幽。蟲聲連四野。觸目盡生愁。

一氣寫出
筆墨娟秀

夏雨山行

五月黃梅雨。山行轉覺多。群峰浮水面。孤館入岩阿。綠野連雲樹。香風生芰荷。田間饒逸致。觸目盡烟波。

山行良佳
詩自秀動

沈子天士三年前以禮常詩來求予登之選本予未之應今吳子雲逸又倦倦見屬具見友道之篤而詩亦清俊

錢光緒

聖月蟄菴浙江鄞縣人

老酒頌

勸人以酒之清剛者曰花露醇和者曰老酒

老成典型我愛其名厥色油油玉瓚是承如栗斯剖如珀斯

凝椒桂同馨一盞初引憂滌慮蠲兩盞却病三盞延年類

然而醉遂忘其天天去此哉任真則全陶公有言彼花者

露譬則霜霰侵肌裂膚聲噤色顛曷若春溫煦煦焉善彼

花者露譬則韓商五刑六罰束濕繁傷曷若熙皞帝力咸念

彼花者露譬則畸人獨清獨醒豁刻絕倫曷若太上和光

同塵彼花者露譬則悍妻頰顏赤頰匪罽則啼曷若淑媛

溫柔孔宜吾老是鄉無復轉徙世不爾知或笑或鄙爾德

難量爾功莫紀請即其名而尊之曰酒中老子

借題游戲實存至理

廖騰炷

占五蓮山福建將樂人浴雲樓詩集

鷓鴣行

蒿為楫竹為舟朝朝暮暮隨波游船頭船尾鷓鴣立出水入

水聲叢叢但欲漁人多喜歡不顧深潭與險灘鼓翼奮翅翮

魚出咽喉將破仍呵叱沙鷗鷓鴣水之澹長鳴飛過何嘻嘻

得髓于杜少陵得調於張文昌讀之自令感慨交集

山居

康熙甲寅八閩有變民靡寧宇士輩尤甚慮以微名齒及也于是挈家遠避潭上時與二三同人盤桓山水間與言時事感慨係

之漫賦五言以見予志

原非林下客暫借碧山居躡屐尋幽勝持筐採澗蔬迷離多

失路寧澹是真子徙倚前村月隨風過草廬

悠然神遠

寄跡潭溪上。超然絕世塵襟。期懷古道心事。許何人不厭青芝。澹唯將白鳥親。桃花休誤。泛漁艇。恐知津。似靖節一流人

嘗說愁難遣。看來殊不然。一壺堪小酌。半榻任高眠。起散花間步。閒調月下絃。茅齋僧院近。時往一參禪。一往有

白雲巖岫裏。閉戶一儒生。收復官軍信。驚惶賊將營。豈言書有誤。自喜世無名。蜀土多奇節。高風誰比清。尤見忠肝義胆

和施田間賦謝同學為買草堂一首

卜築東城下。肯來郭外山。殷殷見友意。款款慰慈顏。竹靜書充棟。風吹月滿關。長吟無所事。堪入畫圖間。筆意酣適

乙卯六月寓黃潭回縣同人書數見招未赴

為愛山居好。瀟疎竹拂烟。樽開忘夜永。月朗得遲眠。乍別頻

來夢。經旬若隔年。遙知秋水白。蘭櫂泛江邊。外若歡娛內實淒激

遊桃葉渡

清光搖淺碧。小艇傍城遊。修竹堤邊插。危欄水上浮。翠屏兩

岬合烟樹。半江秋返棹。隨明月雙鬟。何處求。詞氣蒼秀

黃潭元旦

青帝隨人到。遠天峰高兩岬翠。如烟東山欲載遊。春妓北極

思。頌賀朔年卜歲。皆言秋有稼。杜門不是視無田。閒招野老

辛盤聚。菘芥菁菹雪後鮮。避亂心腸寫得靜雅

遊西巖步伍懶庵

直上幽巖俯萬方。村烟澹蕩古溪傍。崎嶇竹徑苔沿砌。點染

秋容菊帶霜。百道泉聲來石罅。一行雁影入斜陽。山中勝致

其父子兄弟科第縣聯則薄海文人
 咸能道之固不俟論為之稱述云
 蓮山先生操行素高偶值風鶴之警遂潛踪潭溪超然塵
 外洵頽波中之砥柱者而性復嗜吟咏已巳秋雲峰械寄
 詩篇三十餘章屬余點訂特錄其性情貞潔詞調雅正者
 若干首以見先生之詩因人而傳而雲峰與先生尤有針
 芥之合
 云舊山



